



Me kōrero tātou mō tō tātau haumarutanga ā- motu:

PĀNUI WHAKAARO PAE TAWHITI
WHAKAHAUMARUTANGA Ā-
MOTU

Te tūhono i a Aotearoa New Zealand e pikī
haere ana te kanorau ki ngā tūraru
whakahaumarutanga ā-motu, ngā wero me
ngā āheinga

MARCH 2023



Te Kāwanatanga o Aotearoa
New Zealand Government

I tukuna ki te Whare Pāremata e ai ki te Public Service Act 2020, āpiti e 6 rārangi e 8.



2023 © Manatārua Karauna

Kua raihanatia tēnei mahi i raro i te raihana Creative Commons Attribution 4.0 New Zealand. E wātea ana koe ki te tārua, ki te toha, ki te urutau i te mahi, mēnā ka tohu koe i te mahi ki Te Tari o Pirimia me Te Rūnanga Matua (DPMC), ā, ka whai i ērā atu here o te raihana. Kia kite i tētahi tārua o tēnei raihana, toro atu ki creativecommons.org/licenses/by/4.0

Kia mōhio mai koe, me kaua e whakamahi i tētahi tohu, i tētahi waitohu, i tētahi Coat of Arms rānei a te kāwanatanga mā te āhua e takahi ai he whakaritenga o te Flags, Emblems, and Names Protection Act 1981. Me noho ki te āhua ā-tuhi te tohu i te Karauna, me kaua mā te tāruatanga o tētahi tohu, o tētahi waitohu, o tētahi Coat of Arms rānei.

I whakaputaina e Te Tari o te Pirimia me te Rūnanga Matua (DPMC), March 2023.

dpmc.govt.nz • information@dpmc.govt.nz

ISBN 978-0-947520-31-1 (ā-ipurangi), 978-0-947520-32-8 (tā)

Kupu Whakataki

Tēnā koutou katoa

Waiho i te toipoto, kaua i te toiroa

He tuatahitanga tēnei Pānui Whakaaro Pae Tawhiti Whakahaumarutanga ā-Motu.

Kua arahina ngā mahi ki tēnei pānui e Te Tari o te Pirimia me te Komiti Matua me Manatū Aorere mō te Security and Intelligence Board¹. I whakawhanaketia motuhaketia i ngā minita me te Kāwanatanga o te rā, ā, e tirohia ana tō tātou horanuku whakahaumarutanga ā-motu e huri haere ana, e tukuna ana hoki ētahi āheinga mō te anamata.

E pāngia ana tātou katoa e te whakahaumarutanga ā-motu. Kua ngaua kinotia ō tātou nei hapori e te hārukirikitanga kaikoka; e te pāpātanga o ngā whakaekē ā-ipurangi ki te hunga pakihī, ki te hunga pēke me te hunga hauora, e te haere tonutanga o te mōrearea mai i ngā taihara nahanaha; e te tāorooro a te tikanga ā-ao, me te ūnga ka riro mai i tērā, i te whai a ētahi whenua ki te whakatopatopa i ō rātou pāngā.

I a tātou e kite wheako tonu ana i ngā pāngā o te urutā KOWHEORI-19, i te pāpātanga e whakatere ana o te panoni āhuarangi, i te horapa haere tere a te kōrero horihori me te kōrero whakatuapeka, he auau te whakamātauahia o tō tātou māramatanga ngātahitanga o ngā whakatumā whakahaumarutanga ā-motu, o tō tātou āheinga kia urupare atu.

Mā tēnei pānui, e arotahi ana ki te tūhono i te hunga o Aotearoa e kanorau haere ana ki te whakahaumarutanga ā-motu - e whai ana mātou ki te tiri mōhiohio mō ētahi o ō tātou tūraru whakahaumarutanga ā-motu me ngā wero tino nonoi. Hei whenua, he kōwhiringa ō tātou mō tā tātou anganui atu ki ēnei. Mā te whakapiki i ngā kōrerorero tūmatanui mō te whakahaumarutanga ā-motu, ka taea e tātou te whakarite, te whakatipu i tō tātou aumangea kia whakatutuki ngātahi ai i ēnei wero me te māramatanga ngātahitanga o ngā ara ka taea ki mua.

Ngā mihi ki a koutou katoa kua tūhono mai ki a mātou, kua tautoko i tēnei pānui. Kua rongo mātou e whaitake ana nga kōrerorero mō te whakahaumarutanga ā-motu, ā, he mea nui te tiri auau i te mōhiohio. He nekehanga kotahi tēnei pānui kia pērā ai.

I a mātou e whakawhanake ana i tēnei pānui kua whai whakaaro mātou ki ngā whakaaro nō roto tonu i te rāngai whakahaumarutanga ā-motu, ki ngā whakahokinga kōrero tūmatanui, ki ngā mōhiohio mō ngā take whakahaumarutanga ā-motu ā muri ake nei, mō te rangahau ā-ao, ā, mō ngā raraunga a Tatauranga Aotearoa.

E hīkaka ana mātou ki te whai tonu i tēnei kōrerorero ki te hunga nō Aotearoa.

Ngā mihi



Tony Lynch
Heamana, Security and Intelligence Board

Nau mai

E pā ana tēnei Pānui Whakaaro Pae Tawhiti ki te whakahaumaru, ki te kōkiri i te whakahaumarutanga ā-motu o Aotearoa - arā, ō tātou tāngata, tō tātou whenua, ō tātou pānga - e whai whakaarohia ana ka pēhea tātou e taurikura ai ināianei, ā, anamata anō hoki.

Ko te kaupapa o tēnei pānui ko ***Te tūhono i a Aotearoa e kanorau haere ana ki ngā tūraru whakahaumarutanga ā-motu, ki ngā wero me ngā āheinga.***

Inarā, e tirohia ana ētahi tūraru, ētahi wero ki tō tātou whakahaumarutanga ā-motu - pērā i ngā whakaeke ā-ipurangi, i te whakatuatea, i te angahāruki kaikoka, i te kōrero whakatuapeka, i te taihara nahanaha. Ka whārikihia hoki ētahi ariā hei tautoko i te anamata pai ake mō tō tātou whakahaumarutanga ā-motu, tae atu ki ngā take e noho pū ana te tūhono ki te hunga nō Aotearoa.

He uua pea ngā kōrerorero mō te whakahaumarutanga ā-motu, heoi he mea matua kia whakarite i te anamata o Aotearoa hei wāhi haumaru, hei wāhi whita mō te hunga e noho ana, e mahi ana, e toro mai ana ki konei. E whakapono ana mātou mā te tūhononga tuwhera, whakauruuru, he pai te āheinga mā te kāwanatanga e āwhina ai kia whakapakari i te whakawhirinaki, i te māia, me te whakapakari hoki i tō tātou whakahaumarutanga ā-motu. Mā tēnei pānui e whai ana mātou ki te whakapiki ake i te mōhiotanga, i te māramatanga mō te whakahaumarutanga ā-motu. E tūmanakohia ana ka ara ake tēnei ki te tūhononga me te tautohetohē nui ake ā muri ake nei.

Te kōrero i mua i tēnei pānui

He huarahi hou ngā Pānui Whakaaro Pae Tawhiti mā ngā umanga kāwanatanga, e mahi motuhake ana i ūrātou Minita, kia torotoro, kia whakahoki pūrongo mō ngā take e whaitake ana ki te toioranga tonutanga o ngā tāngata katoa o Aotearoa.

I tūtohua e te ***Kōmihana Roera*** ki te whakaeke whakatuatea ki ngā masjidain ki Ōtautahi kia whakaaro anō te kāwanatanga ki te āhua o tā mātou whakauru i ngā hapori e whakaratoa ana e mātou - hei hanga i te pāpori e rongo ana te hunga katoa nō Aotearoa i te haumaru, i te whai wāhitanga. E hiahia ana mātou ki te whakamahi i tēnei pānui hei āwhina i a tātou kia ahu atu ki tēnei mā te wā roa, kia rongo i ūrātou whakaaro, kia whakatewhatewha i te āhua ka taea o tō tātou whakahaumarutanga ā-motu o anamata.

I whakaputaina tēnei pānui e tētahi kāhui o ngā umanga kāwanatanga e iwa e noho haepapa ana mō te whakahaumaru i a Aotearoa i ngā whakatuma whakahaumarutanga ā-motu. Nō muri mai i tētahi uiui tūmatanui, i te rangahau, i te akoako tūmatanui hoki. I ako mātou e aronui ana te hunga

nō Aotearoa ki te whakahaumarutanga ā-motu, e hiahia ana rātou kia noho whai mōhio, whai whakahou hoki mō ngā whanaketanga, ā, kia whai wāhi ki ngā kōrerorero mō ngā mahere whakahaumarutanga ā-motu a Aotearoa mō te anamata.

He mea whakamanawa tēnei, nā te mea i runga i ngā tūraru whīwhiwhi haere ki tō tātou whakahaumarutanga ā-motu me mātua whakauru e mātou te hunga katoa nō Aotearoa ki ā tātou mahi ki te whakahaumaru i tō tātou whenua i te kino.

Ka whakamahia e tēnei pūrongo ngā rangahau, ngā mōhiohio hoki kua rangona i ngā hapori, i ngā pakihī, i ngā umanga kāwanatanga hei tiro atu:

- ki ngā ia ā-ao matua ka whakaaweawe i te whakahaumarutanga ā-motu o Aotearoa mā roto i te 10 ki te 15 tau e whai ake nei
- ki ētahi tūraru whakahaumarutanga ā-motu, ki ētahi wero he mea āwangawanga, ā, me pēhea pea e panoni ā roto i te 10 ki te 15 tau e heke mai ana
- ki ngā āhuatanga matua ka tautoko pea i te anamata pai mō te whakahaumarutanga ā-motu haere ake nei.

Kia mōhio mai, ahakoa kua whakaputaina motuhaketia i ngā minita tēnei pānui, ā, ehara i te kaupapa here Kāwanatanga, kua tuhia i te wā e whakawhanaketia ana tētahi huinga whānui ake o ngā kaupapa kaupapa here Kāwanatanga e whai ana kia panoni i te rāngai whakahaumarutanga ā-motu - arā, te Rautaki Whakahaumarutanga ā-Motu tuatahi a Aotearoa, me tētahi arotake o ngā mahi me te hanga o te pūnaha whakahaumarutanga ā-motu (e ai ki te tūtohu a te Kōmihana Roera ki te whakaeke whakatuatea ki te masjidain ki Ōtautahi).

Ka whakatewhatewhatia hoki e tēnei pānui ngā ia ōrite ki ētahi atu Pānui Whakaaro Pae Tawhiti a te kāwanatanga- inarā te pānui a Te Kawa Mataaho mō “Ka pēhea e pai ake tā tātou tautoko i te whakaurunga tūmatanui ki te kāwanatanga ā te anamata?” me te pānui i arahina e Te Tari Taiwhenua e whai whakaaro ana ki “Ka pēhea e pai ake ai te whakahei a te hangarau i te whakaurunga, i te whakataunga ā-hapori?”

Tō mātou tīmatanga - te rangahau me te tūhononga

Hei wāhi o te whakawhanaketanga o tēnei pānui, kua kimi mōhiohio mātou mō te whakahaumarutanga ā-motu o Aotearoa mai i te whānuitanga o ngā puna.

I roto i ā mātou rangahau:

- ko te mōhiohio mai i ngā umanga kāwanatanga e whai wāhi ana ki te pūnaha whakahaumarutanga ā-motu o Aotearoa.²
- ko tētahi **National Security Public Survey**³ - arā, he uiui motuhake o te neke atu i te 1,000 tāngata e noho ana ki Aotearoa, ā, e tūmanakohia ana ka toaitia ia tau. I arotahi te uiui ki ngā tirohanga, ki ngā waiaro, ki te mōhiotanga hoki o te hunga nō Aotearoa ki te whānuitanga o ngā tūraru, o ngā wero, o ngā āheinga whakahaumarutanga ā-motu o Aotearoa.
- ko ngā urupare mai i te rauna tuatahi o te akoako mō te kaupapa pānui - i korā i riro mai te 105 tāpaetanga mai i ngā tāngata o te pāpori, i ngā whakahaere, i ngā pakihī e whakapuaki ana i ō rātou whakaaro. He mea tautoko ngā tāpaetanga i te kaupapa, ā, ko rātou i whai wāhi i kōrero mō te hiahia kia whai whakaarohia te whānuitanga o ngā tūraru me ngā wero whakahaumarutanga ā-motu, me te whai i te aronga tuwhera ake, he kaha ake te mahi tahi ki ngā kōrerorero mō te whakahaumarutanga ā-motu. Ka pānuihia tētahi whakarāpopoto o ō rātou tirohanga ki <https://dpmc.govt.nz/our-programmes/national-security/national-security-long-term-insights-briefing/ltrib-topic>
- ko ngā hui ā-tinana, ā-mariko hoki ki ngā hapori, tae atu ki ngā hui ki ngā manuheke nō nākuanei me ngā hapori ā-mātāwaka i manaakitia ngātahitia ki Te Tari Mātāwaka.
- he whakahokinga kōrero mō te pānui hukihuki - i konei i riro mai te 45 tāpaetanga. Ka pānuihia tētahi whakarāpopoto o te whakahokinga kōrero ki <https://dpmc.govt.nz/our-programmes/national-security/national-security-long-term-insights-briefing>
- ko te raraunga me te rangahau e wātea tūmatanui ana mai i Aotearoa, mai i tāwāhi hoki.

I tukuna e ngā kitenga o te uiui me te akoako tūmatanui te māramatanga hōhonu ake mō te kite a te hunga nō Aotearoa i ngā tūraru whakahaumarutanga ā-motu, i ngā wero, i ngā āheinga hoki. Kua whakamahi mātou i ēnei puna mōhiohio hei whakamōhio i tēnei pānui - e whakahei ana i a mātou ki te tautuhi i ngā wāhi e taea ana e mātou te tuku i te mōhiohio tuwhera ake, he pai ake te āheinga.

Ngā āhuatanga i akohia – ētahi kitenga matua

I whakakitea e te mōhiohio i kohia e mātou nā te National Security Public Survey, nā ngā tāpaetanga, nā te rangahau, nā ērā atu puna tūmatanui ngā wāhi āwangawanga matua e toru mō te anamata o tō tātou whakahaumarutanga ā-motu.

I roto i ā mātou rangahau:

- Ki te tirohanga o te hunga nō Aotearoa e piki haere ana ngā whakatuma ki tō tātou whakahaumarutanga ā-motu
- e piki haere ana, ā, e pākaha ana hoki ngā pānga ā-ao, ngā ia ā-ao hoki ki te whakahaumarutanga ā-motu o Aotearoa, ā,
- e rerekē ana te māia ki te āheinga o te kāwanatanga kia urupare atu.

I roto i te National Security Public Survey ko te whānuitanga o ngā whakatuma, o ngā tūraru, o ngā wero ki tō tātou whakahaumarutanga ā-motu. Mā tēnei tirohanga whānui mātou e āwhina kia pai ake te mārama ki ngā kitenga tūmatanui mō ngā tini take, ka taea te whakatairite ki ngā putanga uiui ā-ao.

Ko te taurite, i rongo mātou nā te uiui he nui ake te āwangawanga o te hunga nō Aotearoa i ērā atu tāngata huri noa i te ao mō ngā tini whakatuma.

Ehara i te mea ohorere te āwangawanga o te hunga nō Aotearoa kei pā mai ngā aituā māori, i runga i tā tātou noho mōrearea ki ngā pānga pērā i ngā rū whenua, i ngā waipuke, i ngā tauraki, i ngā ahi tipua. Ko tātou ko tētahi o ngā whenua tino whakaraerae ki ngā aituā māori o te ao. Ka whāia e te kāwanatanga o Aotearoa te aronga pāhekohoko ki ngā aituā māori, e arotahi ana ki: te whakaheke, te takatū, te urupare me te whakaora. E wātea ana ētahi atu mōhiohio mō te aronga ki www.civildefence.govt.nz/cdem-sector/the-4rs/.

Kei te tihi o whakaaro hoki ngā urutā hauora mō te tangata, i a tātou e urupare tonu ana ki ngā pānga haere tonu o te KOWHEORI-19. E wātea ana ētahi atu mōhiohio ki te aronga e whāia ana ki www.health.govt.nz me <https://covid19.govt.nz/>.


“ HE NUI AKE TŌ TE HUNGA NŌ AOTEAROA
ĀWANGAWANGA I TE TOHARITE I TŌ TE HUNGA
NŌ WHENUA KĒ ATU MŌ TE WHĀNUITANGA O
NGĀ WHAKATUMA.”

National Security Public Survey

Pātai: Ki a koe he aha te tūturutanga o te whakatuma kia pā tētahi o ēnei hei te 12 marama / 10 tau e heke mai nei?

Puna: 2022 IPSOS National Security Public Survey (i whakaputaina i te Oketopa i te tau 2022).

Kia mōhio, i konei ko te kōrero horihori ko te kōrero horihori me te kōrero whakatuapeka hoki



Ko te mea tino whai take ki te horopaki o tēnei pānui ko te nui o te āwangawanga mō ngā whakatuma ka takea mai i ngā tāngata, i ngā whenua rānei e hiahia ana kia whakakino i a tātou (ka kīia ai ēnei he “kaimahi whakakino”), pērā i te mūrere (arā, ngā whakaekē nā ngā taihara ipurangi, nā ngā kaimahi whakakino e tautokona ana e tētahi whenua ko tā rātou he tāhae, he hora, he panoni, he mono, he whakakore rānei i te mōhiohio mā te urunga tē whakamanatia ki ngā pūnaha rorohiko), i te taihara nahanaha rānei (arā, te mahi taihara whakawhiti pae whenua). Ko te whakatuma he tuarua te āwangawanga hei te 12 marama e heke mai ana ko te horapa o te kōrero horihori (kei konei ko te kōrero horihori me te kōrero whakatuapeka).

Ka whakaaturia e te uiui he āwangawanga e piki haere ana mā roto i te wā roa mō ētahi o ēnei momo whakatuma hoki, tae atu ki te uruhi a tetahi whenua, e tētahi kaimahi rāwaho rānei i ngā pānga o Aotearoa ki Te Moana-nui-a-Kiwa, me te tūponotanga ka whakauru atu a Aotearoa ki tētahi pakanga mau rākau.

I rongo hoki mātou, nā te uiui, nā te akoako tūmatanui ngaio hoki mō te kaupapa pānui, e hiahia ana ngā tāngata kia nui atu tā mātou toha mōhiohio, kia nui ake hoki tā mātou kōrero mō ēnei momo whakatuma whakahaumarutanga ā-motu.

Te arotahinga o tēnei pānui

Mā te whakaatu i ngā tirohanga o ngā umanga e whai wāhi ana ki te whakawhanaketanga o tēnei pānui, ki te taha o tā tātou i ako ai nā te uiui, nā te akoako tūmatanui, ka arotahi mātou ki ngā ia, ki ngā take tino āwangawanga, kei roto nei ngā whakatuma whakahaumarutanga ā-motu e whai ake nei:

- Te kōrero whakatuapeka
- Te mūrere me ngā whakaekē ā-ipurangi
- Te taihara nahanaha whakawhiti pae whenua
- Te raweke nō tāwāhi me te tūtei
- Te whakatuatea me te angahāruki kaikoka
- Ngā wero aumangea o Te Moana-nui-a-Kiwa.

Mā te toha i tēnei mōhiohio, e whai ana mātou ki te tautoko i te māramatanga tūmatanui nui ake, i te kōrerorero hoki mō te whakahaumarutanga ā-motu.

E pā ana ngā ia ā-ao ki te whakahaumarutanga ā-motu o Aotearoa

Ehara i te mea e pā mai ana ngā whakatuma ki tō tātou whakahaumarutanga ā-motu ki roto i te korekore. I whakaū ngā kōrerotanga mai o ngā tāngata i tō mātou tirohanga kei te ao he nui ake te tūhonohono, te tātāwhāinga i tērā mai rā anō, he nui ake te pānga kino o ngā pānga ā-ao, o ngā ia ā-ao ki te whakahaumarutanga ā-motu o Aotearoa.

E whakapae ana mātou hei te 10 ki te 15 tau e heke mai ana, ka whakaaweawetia ngā pānga tino hira ki tō tātou whakahaumarutanga ā-motu, ā, i ētahi wā ka takea mai i, ngā ia ā-ao matua e whā:

- **Te tātāwhāinga e piki haere ana** i waenganui i ngā whenua, me te hekenga haere tonu ki te ‘tikanga ā-ao pūtake-ture’ (kua hangaia tēnei pūnaha hōkai-ao ki ngā ture, ki ngā mātāpono, ki ngā whakahaere e tautoko ana i ngā whenua ki te mahi ngātahi, mā konā e āki ai te whanonga rangimārie, ka taea te matapae, he pāhekoheko hoki).

I runga i te tautoko a Aotearoa i te tikanga ā-ao pūtake-ture e āhei ana tātou te whai painga i te pāhekoheko rangimārie ki ētahi atu whenua. Heoi anō, e whakapono ana mātou ka piki ngā whakatuma ki te tikanga ā-ao i tā ngā whenua whai tirohanga, whai whāinga e tukituki ana ki tēnei pūnaha kimi kia takahi, kia mahi arokore i tērā. Ko te whakaatunga tino hou, tino pākaha o tēnei ko te whakaekē haere tonu a Rūhia ki Ukareina. Ahakoa ko Uropi tērā, ko ētahi atu whenua ērā kua pāngia nuitia, ā, ka pērā tonutia, he takahitanga taumaha te whakaekē o ngā ture ā-ao, nā konā e pēhi ana i te tikanga ā-ao, ā, ka pā ki ngā tāngata huri noa i te ao.

Mō Aotearoa, ko te hekenga anō ki te tikanga ā-ao ka whakapiki i ngā whakatuma ki tō tātou whakahaumarutanga ā-motu i te wā tonu ka nui ake te uaua i runga i a tātou hei urupare atu, hei whakahaumaru i ō tātou pānga.

- **Ka pā te huringa hangarau** ki ngā āhuatanga katoa o te ao, me te hanga i ngā hua tino whakahurihuri, me te whakapiki i ngā paerewa noho, waihoki ka ahu mai hoki ngā tūraru hou, ngā wero hou. I roto i tēnei ko ngā whanaketanga haere tonu ki, hei tauira, te atamai mariko, te hangarau koiora, te ao niko anō hoki. Ahakoa he uaua te matapae i tēnei huringa, e whakaneinei ana mātou i te taupori ā-ao he nui ake te tūhonohono i runga i te whanaketanga tere o te hangarau haere ake nei. Ka whai pea ētahi atu ki te whakamahi i ngā hangarau hou, i ngā hangarau e puta mai ana hoki mō ngā take whakakino, tūkino hoki.

- **Ka pā te panoni āhuarangi** ki te wāteatanga mai o te wai, o te kai, o te whenua pai mō te noho - mā konā te tātāwhāinga mō ngā rawa ongeonge, mā konā hoki e panoni ngā tauira hekenga. Mā ngā pānga huarere auau ake, pākaha ake me ngā aituā māori e nui ake te pēhangā ki te āheinga o ngā whenua ki te whakaora atu.
- Ngā pānga haere tonu, ngātahi, he mea kokoti hoki ā-ohaoha, ā-pāpori, ā-tōrangapū o te KOWHEORI-19 me **ngā urutā** o anamata.

Ki te taha o ēnei ia, o ēnei tūraru e whanake haere ana, e huri ana te hangapori o Aotearoa - e piki haere ana te pakeke, te kanorau hoki, ā, he nui ake tā tātou noho ki ngā tāone. E whakapono ana mātou me mātua urupare tātou ki tēnei whanaketanga mā te panoni i te āhua o tō tātou tūhono ki te hunga nō Aotearoa hei āki i te whai wāhitanga he nui ake te whakauruuru, te whakakanohi hoki. Mā konei e āwhina te kāwanatanga ki te whakapakari i te whakawhirinaki, me te urupare ki ū rātou hiahia, me te whakarite kia mārama tahī tātou ki ngā tūraru, ki ngā wero, ki ngā āheinga kei mua i tō tātou aroaro. Kua matapaehia tae rawa atu ki te tau 2038:⁴

- kua piki te taupori o Aotearoa mai i te 5.08 miriona ki te 5.88 miriona, ā, ka noho te nuinga ki ngā tāone (e 71 ūrau)
- ka kanorau ake tō tātou hanganga ā-mātāwaka, ā, e whakapaehia ana ngā pikinga mō ngā mātāwaka nō Te Moana-nui-a-Kiwa, Māori, Āhia hoki
- he taupori kaumātua haere tātou, ā, ka piki te pakeke toharite i te 37.4 tau (2018) ki te 42.2 (2038), ā, ka huaruatia te tatau o te hunga he nui ake i te 65 te pakeke ki te 1.3 miriona (2038).

He aha te pānga o ēnei ia ki tō tātou whakahaumarutanga ā-motu ā te anamata?

Hei āwhina i a mātou ki te whai whakaaro ake ki te anamata, e tukuna ana **ngā matapae whakapae e toru**. E whakarāpopotohia ana ka pēhea pea te pā a ngā ia ā-ao ki te horopaki e pā mai ana ngā whakatumā whakahaumarutanga ā-motu, me ngā āhuatanga kei runga pea i a tātou hei te wā me urupare atu. Ka whanake pea ngā ia, ngā pānga hoki mā ngā ara tē taea te matapae, he whawhati tata rānei. E huri ana i ngā wā katoa te āhua o te pāhekohoko a ngā whakatumā tētahi i tētahi, ā, ka ara ake pea ki ngā putanga tē whakaneineitia. **Hei te tau te 15 e heke mai ana, e whakapae ana mātou ka kitea pea...**

Te hekenga tonutanga

He maha ngā whenua, tae atu ki ngā whenua whai mana, he nui ake, he tere ake te ngana kia kōkiri i ū rātou pānga, ā, ko te utu ko ū tātou ake uara, ko ū tātou ake pānga. Ka nui ake te tūpono ka tū te pakanga mau rākau i waenganui i ngā whenua i te ngotongoto a te tūtū mai o te tāwheta ā-whenua i te horanuku ā-ao. Ka heke haere te pāhekohoko mā ngā whakahaere takitini, mā konā e uaua ake te whakatutuki i ngā wero ā-ao pērā i te panoni āhuarangi. Ka whakapikihia te tūpono ka tū mai te pakanga mau rākau e te tātāwhāinga mō ngā rawa (arā, mō te pūngao, mō te kai, mō te wai), e ngā tauira hekenga e huri haere ana hoki. Ko te hua o te tikanga ā-ao e kino haere ana ko te puāwaitanga o te taihara nahanaha whakawhiti pae whenua, mā te ipurangi hoki, ā, he whakatoatoa ake ētahi whenua i tō rātou pai kia raweke, kia kokoti i tō tātou āhua noho - kei roto nei mā ngā whakaekē ā-ipurangi, mā te tūtei hoki. Ka noho tonu hei āwangawanga ngā whakapau kaha a ngā kaimahi whakakino

ki te raweke i ō tātou tukanga manapori. Ka whakatuma ngā wehenga nui ake ki tō tātou pāpori ki te whakahoro i te whakawhirinaki ki ngā whakahaere tūmatanui, me te whakawhirinaki ki waenganui i ngā tāngata me ngā hapori. He iti noa te māramatanga tūmatanui ngātahi ki ngā wero kei mua i tō tātou aroaro ki Aotearoa, ā, ki te horopaki o te taupori e pakeke haere ana, o ngā huringa o te manarite-kore, o te whakaunoatanga ki te ohu mahi, ka tino whakaraerae ētahi ki ngā whakapono hāruki ka horapa ā-ipurangi, ka hangaia e te kōrero horihori me te kōrero whakatuapeka.

He hekenga nui whakaharahara

Ka haere tonu te pakanga ki Uropi, ā, ka noho tonu a Ukareina hei kauhanga riri hohe, ā, ka whai wāhi tōtika atu ētahi atu whenua, ka pāngia pākahatia hoki mō te wā roa. He whakatuma ū tonu ka whakamahia pea tētahi pōmu karihi. He pakanga mau rākau ki te takiwā Inia-Moana-nui-a-Kiwa, hei tauira, mā tētahi hapa pea ki te kūtitanga o Taiwana, mā te whakatauatanga nui ake ki Te Moana-nui-a-Kiwa hoki/rānei. Kei te horopaki tēnei o ngā pānga āhuarangi e whakatere haere ana, tē maurutia. Hei hua, ka whakamātāmua ētahi whenua i ō rātou pānga, ā, ko te utu ko ō ētahi atu, ā, he tātāwhāinga tōtika ka tū mō ngā rawa (mō te ngao, mō te kai, mō te wai hoki). Ki te kāinga, ka whakatere ngā whakatuma ki tō tātou whakahaumarutanga ā-motu, ā, ka whakakinohia ū tātou hapori. Ka whakakinohia e tētahi pānga ā-ipurangi, ka whakaputaina ā-ao, ka heipū tōtika ki Aotearoa rānei, ngā ratonga matihiko e whakawhirinakihia ana e tātou ki ū tātou ao o ia rā mā reira e pā ai ngā pakihī, ngā ratonga hauora, te hanganga ikiiki hoki. I runga i te korenga o te rauemi, i te tohatoha mōhiohio, i te horapa o te kōrero horihori me te kōrero whakatuapeka e whakaheingia ana e te hangarau whakaniko ka uaua tā te tangata whakawehē i te teka i te meka. Ka nui ake te tōtara wāhi ruatanga o Aotearoa, he iti ake te whakawhirinaki ki a rātou anō, ki ngā mātanga, ā, ki ngā whakahaere kāwanatanga, mā konā e whakatuma ai ngā tūāpapa o tō tātou manapori aroherekore.

He tirohangā ngākau rorotu, e pai haere ana

Ahakoa ka mau tonu te pēhangā ki te tikanga ā-ao pūtake-ture, he kōkiritanga kaha tonu kia whakatutuki ngātahi ngā whenua i ngā wero ā-ao, pērā i te panoni āhuarangi, ā, kia mahi tahi hei whakamauru i ngā whakatuma whakahaumarutanga ā-motu, i te wā tonu e whakarite ana kia noho haepapa ngā kaimahi whakakino. Ka ākina e te pāhekoheko ā-ao, e te auahatanga hangarau, e te haumitanga ki te urutau āhuarangi te tohanga o ngā rawa, mā reira e āwhina ai te ārai i te pakanga tōtika, mau rākau hoki. Ka whakapikihia e te māramatanga nui ake, e te toha mōhiohio tuwhera ka taea te āhei, e te tūhononga me te pātuitanga i waenga i te kāwanatanga me te tūmatanui te whakawhirinaki, te māia, te whakaaetanga ā-pāpori kia urupare atu ki ngā wero whakahaumarutanga ā-motu. Ko te rāngai whakahaumarutanga ā-motu o Aotearoa he mea aro-whakamua, he mea urutau hoki, ā, ka piri tahi tātou hei whenua ki te whakahaumaru, ki te whakatairanga i ū tātou pānga whakahaumarutanga ā-motu, me te tautoko i ū tātou tāngata kia puāwai ai.



Ngā tūraru me ngā wero whakahaumaru tanga ā-motu āwangawanga

KEI TĒNEI WĀHANGA KA ĀTA TIRO
MĀTOU KI ĒTAHI O NGĀ TŪRARU
WHAKAHAMARUTANGA Ā-MOTU,
O NGĀ WHAKATUMA, O NGĀ WERO
E ĀWANGAWANGA NEI MĀTOU, Ā,
HE AUAU TE WHAKAPUAKI PUTA
NOA I TE RANGAHAU, I TE
TŪHONONGA.

Ngā tūraru me ngā wero whakahaumarutanga ā-motu āwangawanga

Kei tēnei wāhanga ka āta tiro mātou ki ētahi o ngā tūraru whakahaumarutanga ā-motu, o ngā whakatuma, o ngā wero e āwangawanga nei mātou, ā, he auau te whakapuaki puta noa i te rangahau, i te tūhononga.

- Te kōrero whakatuapeka
- Te mūrere me ngā whakaеke ā-ipurangi
- Te taihara nahanaha whakawhiti pae whenua
- Te raweke nō tāwāhi me te tūtei
- Te whakatuatea me te angahāruki kaikoka
- Ngā wero aumangea o Te Moana-nui-a-Kiwa.

Mō ia tūraru, mō ia wero ka whakaurua:

- tētahi whakaahuaranga
- tā mātou i rongo nā tā mātou rangahau, nā tā mātou uiui
- ka pēhea e panoni pea tēnei ā roto i te 10 ki te 15 tau e heke mai ana
- ētahi mahi e whakamahia ana e mātou hei whakarite mō te anamata.

Ā muri ake i tēnei pānui ka tuku mātou i ētahi ariā hei tautoko i tō tātou whakahaumarutanga ā-motu ki

anamata mā te wā roa, kei roto nei ko te take e hira ana kia nui ake te tūhono ki te hunga nō Aotearoa.

Te wero o te kōrero whakatuapeka (me te kōrero horihori)

Ko te **kōrero whakatuapeka** ko te mōhiohio he mea parau, he mea whakakē mārika rānei, ā, ka āta tiria i runga i te mōhiohio kia whakakino ai, kia whakatutuki rānei i tētahi whāinga whānui ake.

E tino āwangawanga ana mātou mō te kōrero whakatuapeka nā te mea ki a mātou ka whakakaha ake tēnei i ētahi take whakahaumarutanga ā-motu. E pā ana tēnei ki ngā manapori aroherekore puta noa i te ao, e whakahoro ana i te whakawhirinaki ki ngā whakahaere, ā, e whakamātauhipa ana tō tātou āheinga hei pāpori kia urupare atu ki tērā.

He nui ngā āhua o te kōrero whakatuapeka, ā, arā noa atu ngā momo kino ka puta, hei tauira, mā te whakatairanga i ngā whakapono hāruki; mā te whāngai i te taupatupatu, i te tōtara wehe ruatanga ki te pāpori; ā, mā te horapa i ngā kōrero whakakino e whakamōrearea ana i ngā rōpū tokoitī. I te mutunga iho, ka ara ake pea te horapa o te kōrero whakatuapeka ki te whakatūwhana, ki te taikaha ina kōwhiri ngā tāngata ki te mahi i runga i ēnei whakapono.

He tino wero te kōrero whakatuapeka e tautokona ana e tētahi whenua. Ina tautokona ana tēnei mahi e ētahi atu whenua, ka taea e rātou te hanga i ngā hapahapai kōrero whakatuapeka he whakaniko, he ū, me te whakamahi i ngā rawa nui whakaharahara, he mātanga hoki kia pana i ngā mōhiohio parau, tinihanga rānei ki te ipurangi mō ngā ariā, mō ngā kaupapa e whai take ana ki te hunga nō Aotearoa.

Hei tauira, ka pūrongohia e te tātaritanga nō nākuanei nā Microsoft i pāngia te hunga nō Aotearoa e tētahi pikinga ki te kitenga atu ā-ipurangi i ngā kōrero whakatuapeka, i te kupu whakanewha a Rūhia i muri i te Hakihea i te tau 2021, ā, he maha o tēnei i hāngai atu ki KOWHEORI-19.⁵ I tū tēnei pikinga i mua i te pikinga ki ngā porotēhi ki ngā whakaritenga KOWHEORI-19, ki ētahi atu take hoki ki Aotearoa.

Ina whakatairitea ki ētahi atu whenua, kei a Aotearoa whānui ngā taumata āhua nui o te whakawhirinaki ki te pāpāho auraki, ki ngā whakahaere tūmatanui hoki. E āwangawanga ana mātou ka whakakino te kōrero whakatuapeka i taua whakawhirinaki, ā, ka takahia tō tātou whakahaumarutanga ā-motu. Ka pā hoki pea te kōrero whakatuapeka ki te kotahitanga ā-pāpori (ina rongo te katoa i te haumaru, i te whai uara, i te rangona atu o tōna reo, ina whai wairua kaha mō te whai wāhi, ina taea ai te whakauru katoa ki te pāpori).

E tukuna ana e te āhua tuwhera o te ipurangi, e tōna toronga, kia wawe te toha mōhiohio, te tūhonohono i waenganui i ngā tāngata puta noa i te ao. Heoi anō, ahakoa he āhuatanga pai, he āhuatanga hira tēnei o te ipurangi, he ara tino whai hua hoki mō te toha mōhiohio kāore pea i te pērā rawa te mana, te pono i tōna āhua. Ina tohaina tēnei mōhiohio parau e tētahi tangata e whakapono ana he pono, ko te **kōrero horihori** tēnei - arā, he mōhiohio he parau, he mea whakatītipa rānei, engari kāore i hangaia, i tohaina rānei me te takune tōtika o te whakakino. Mā konei, ka horapa tere tonu te mōhiohio whakatītipa, inarā ki te pāpāho pāpori - ā, ahakoa kua whakatinanatia e ētahi pae pāpāho pāpori ngā mahi hei whakatutuki i tēnei, e toe tonu ana te wero, ā, he whīwhiwhi te urupare atu ki tēnei i te hiahia kia whakatairite i te pono ki te herekore o te whakapuakitanga.

“**KUA NOHO TĒNEI HEI RARU TŪTURU MŌ NGĀ
TAU TATA NEI. I RUNGA I NGĀ PAE Ā-IPURANGI,
Ā-PĀPĀHO PĀPORI E PIKI HAERE TONU ANA, HE
NUI AKE TE TŪPONO KA KITE NGĀ TĀNGATA I
NGĀ MŌHIOHIO, AHAKOA HE PARAU, E
HOTOTAHİ ANA KI Ō RĀTOU WHAKAPONO.”
KAIWHAKAHOKI UIUI**

E pā ana te horapa o te kōrero whakatuapeka, o te kōrero horihori ki tō tātou āheinga ki te whakatutuki i ngā wero pērā i te KOWHEORI-19 hei whenua tōtahi, i runga i te māramatanga ngātahitanga o te taunaki. E āwangawanga ana mātou kei haere tonu, kei whakatere ake tēnei wero ā muri ake nei.

Ki te National Security Public Survey, i rangona:

- ko te kōrero horihori te tino whakatuma whakahaumarutanga ā-motu i kitea (kei konei ko te ‘kōrero horihori’ ko te kōrero horihori me te kōrero whakatuapeka anō hoki)

- ki te 84 ūrāu o ngā kaiwhakahoki he whakatuma tūturu ka horapa te kōrero horihori mō ngā kaupapa e hira ā-tūmatanui ana ki Aotearoa hei te 12 marama e heke mai ana
- ki te 25 ūrāu ko te kōrero horihori te whakatuma nui rawa atu ki a rātou ko ō rātou whānau
- i kitea te kōrero horihori hei whakatuma ināianei, ā, hei te 10 tau hoki.

Ko te nuinga o te kōrero whakatuapeka he mea e whakaaetia ana e te ture, ā, ka tau ki roto tonu i ngā tautuhinga o te kōrero e parea ana - mā konā e uaua ai, kāore i te tika rānei te whakatutuki i tērā mā te uruhi ture tūturu me ngā taputapu kitenga whai take tōrangapū i mua i te kitenga mai o ngā kino. Me mātua mahi ngātahi te kāwanatanga, ngā hapori, ngā pū mātauranga hoki, ki te taha o ngā kamupene hangarau, pāpāho hoki, hei ārai i te horapa a ngā kōrero whakakino ki te ipurangi, i te wā tonu e whakahaumaru ana i te herekore o te whakapuakitanga me te ipurangi tuwhera.

Ki ētahi tāngata kei Aotearoa, kua rere tonu ngā wheako o te manarite-kore, o te whakangongo, o te toihara rānei (kei roto nei ko te kaikiri) me te pāhi ki te kāwanatanga, ki te pāpāho kawe kōrero puta noa i ngā tini reanga. Nāwai, ka taea e ēnei tirohangā te whakaahē i te horapa o te kōrero whakatuapeka, inarā mā ngā kaimahi whakakino, mā ētahi atu whenua e whai ana kia whakawehē i tō tātou pāpori, kia āki i ngā taupatupatu i waenga i ngā rōpū.

Hei te tau 10 ki te 15 e heke mai ana, e whakapae ana mātou ka kitea:

- te pikinga ki te whānui, ki te whakaniko hoki o te kōrero whakatuapeka. Ka āta whai pea ētahi atu whenua ki te hapahapai i te manawa pā, i te pāhi, me te whakawehē i te hunga nō Aotearoa. Ka tū tēnei hei whakatuma haere tonu ki tō tātou manapori, ki tō tātou whakahaumarutanga ā-motu
- e tinga ana kia whakapiki te hangarau hou, e puta mai ana hoki i ngā raru ka takea mai i te kōrero whakatuapeka, kei roto nei ko te putanga o ngā pāpāho horihori pērā i ngā ‘tipatipa he pono te āhua’ tae atu hoki ki te akoranga ā-mīhini, ki te atamai hangahanga
- ka kōkirihiia te taupatupatu i waenga i ūtātou hapori e te kino piki haere ana me ngā pānga ka takea mai i ngā tāhū kōrero whakatuapeka, ā, ka pā atu ki ngā tāngata (hei tauira, ngā whakatuma pea, te tūkino, te whakaweti me te whakatīwheta ki te hunga hanga ture, ki te pāpāho, ki ngā pū mātauranga, ki ngā mana, ki ngā āpiha, ki te marea hoki)
- ka pā, ka whakapakari ngā tāhū kōrero whakatuapeka i te whānuitanga o ērā atu tūraru whakahaumarutanga ā-motu, wero hoki.

Te takatū mō te anamata ināianei:

- **Te mahi tahi** - ka hiahiatia ngā whakapau kaha nui ake ki te hopu i ngā hapahapai, i ngā kōtuitui kōrero whakatuapeka, me te kokoti i tērā mā te āhua pāhekoheko ā-ao, i te wā tonu e whakaingoa ana i a rātou e tautoko ana i tēnei mahi. Me mātua whai wāhi ki tēnei te mahi ki te whānuitanga kanorau o ngā hapori, o te pāpāho, o ngā pū mātauranga, o te pāpori, o te rāngai tūmataiti - inarā ko ngā pae pāpāho pāpori - hei mārama ki te pānga o ngā hātepe e whakamahia ana e rātou hei tuku i ngā tāngata ki ngā ihirangi ā-ipurangi. Ka noho tonu te toha

kitenga whai take tōrangapū me te mōhiohio ki ētahi atu whenua hei wāhangā hira o te urupare.

- Me matawhānui, me karioi hoki te aronga o Aotearoa ki te whakapakari i te aumangea ki tō tātou pāpori, ki te ārai i te horapa o te kōrero whakatuapeka. Me whakahui i a rātou ka taea te tiki i te whānuitanga o ngā taputapu, o ngā pūkenga, i te wā tonu e whakahaumaru ana i ngā tika tangata, i ngā herekorenga, ā, ki tētahi ipurangi he herekore, he tuwhera, he haumaru hoki.

Te mūrere me ngā whakaеke ā-ipurangi

Ka kōkirihiia ngā mūrere me ngā whakaеke ā-ipurangi e te whiwhinga ahumoni, e te mahi riri, tūtei rānei, e te hiahia rānei kia whakatairanga i ngā ariā, i ngā whakapono rānei. Ka takea pea ngā ngaronga ahumoni, ka whakakinohia ngā rongo, ka tāhaengia te whakairo hinengaro, ka kokotihia ngā ratonga waiwai pērā i te ngā pūnaha pēke, hauora hoki.

He take ā-ao ngā whakaеke ā-ipurangi e pā ana ki ngā whenua katoa, nā te mea ka takea mai pea kia kokoti ngā ratonga hira ā-motu, ā, ka pā te kino whaiaro ki ngā tāngata takitahi. Ka herea e tō tātou āheinga ki te whakatutuki i ngā whakaеke ā-ipurangi te pāhekoheko ki ētahi atu whenua hei tautuhi otinga, hei whakaae ki ngā whanonga ‘haepapa’.

He noa ngā whakaеke ā-ipurangi ki Aotearoa

Ko ētahi o ngā whakaеke ā-ipurangi ronganui nō nākuanei ko:

- tētahi whakaеke ki te NZX (te whare hokohoko hea o Aotearoa) i reira i waipukehia ngā pūnaha o te whakahaere e te ikiiki ipurangi hei ārai i te āhei atu a ngā kaiwhakamahi ki ngā ratonga ipurangi e honoa ana
- he takahitanga ki Te Pūtea Matua i takea mai i te raru ki ngā pūnaha kaiwhakarato IT
- he mūrere ā-ipurangi e \$30 miriona ki te whakawhitenga moni whitirangi i Ōtautahi, ki Cryptopia, ā,
- he whakaеke pūmanawa tonotono utu ki te Poari Hauora ā-Rohe o Waikato.

Hei te 10 ki te 15 tau e heke mai ana, e whakapae ana mātou ka auau ake, ka pākaha ake, ka whakaniko ake ngā whakaеke ā-ipurangi puta noa i te ao. Ka pā kino hoki ngā whakaеke ā-ipurangi i tāwāhi ki Aotearoa. Ki konei ki Aotearoa, e 81 īrau o ngā kaiwhakahoki ki te National Security Public Survey i kī he mea āwangawanga ngā whakaеke ā-ipurangi - he nui ake taua hua i te toharite ā-ao (e 75 īrau). I tōaitia hoki te tirohanga nei e ngā kaitāpae ki te kaupapa pānui, nā rātou i kī kāore ngā tāngata takitahi i te tino whai pūkenga kia pupuru i tō rātou haumaru ki te ipurangi.

“ KEI TE PĀ KĒ TĒNEI I NGĀ WĀ KATOA. KI TĀKU MAHI ME MĀTUA WHAI MĀTOU I NGĀ TINI

HĀTEPE HEI NGANA KI TE ĀRAI I ĒNEI
WHAKAEKE, Ā, HE ITI NOA TE ANGITU.”
KAIWHAKAHOKI UIUI

Tokomaha ngā tāngata i kī mai ki a mātou me ōrite te whakapau kaha ki te whakahaumarutanga tuihono i tā tātou whakapau kaha ki te haumaru tuimotu (ā-kiko), inarā mō ngā rōpū he iti noa te māramatanga ki te ao tuihono, ā, mō rātou he take anō e whakaraerae ana rātou.

I te 2020/21, nā te **National Cyber Security Centre** (NCSC), he wāhanga o Te Tira Tiaki, i mau i ngā whakaekē e 404 ki ngā whakahaere hira ā-motu - he pikinga tērā o te 15 īrau i te tau o mua. Mai i ēnei pānga, e 27 īrau i whakaatu i ngā tohu whakapae o ngā kaimahi taihara, kōkiri ā-ahumoni rānei (hei whakatairitenga ki te 14 īrau i te tau o mua). Nā te NCSC i whakatau tata kua āraia e ū rātou āheinga wawao te tata ki te \$199 o te kino.⁶ Ka whakaaturia e te pūrongorongo mai i a **CERT NZ** mō ngā tāngata takitahi, mō ērā atu pakihī e whakatau tatahia ana 13 īrau te pikinga o ngā pānga i te tau 2021, ā, ko te utu tōtika ko te \$16.8 miriona.⁷

I tohua e ngā tāpaetanga ahumahi mō te kaupapa o tēnei pānui te rerekē o te whakatuma e piki haere ana o te whakaekē ā-ipurangi me te haumi a ngā whakahaere ki te whakahaumarutanga ā-ipurangi, ā, me ngā kawatau tukituki me noho haepapa a wai mō te whakahaumarutanga ā-ipurangi. Kāore te kāwanatanga i te whai i ngā taputapu katoa kia pūmau i te noho haumaru a Aotearoa. Me mātua nui ake te mōhio ā-haumarutanga a ngā pakihī, a ngā tāngata takitahi, ā, me tū hohe i tō rātou whakahaumarutanga ki ngā whakaekē ā-ipurangi.

Hei te tau 10 ki te 15 e heke mai ana, e whakapae ana mātou ka kitea:

- te pikinga ki te taihara whīwhiwhi ake, auau ake e wero ana i tō tātou āheinga ngātahitanga ki te urupare atu
- ka nui ake ngā whakaekē ā-ipurangi e heipū ana i te hangarau e waiwai ana mō ngā pakihī, tae atu ki ngā mekameka whakarato
- ngā hangarau hou e puta mai ana me te whakamahinga whanake haere tonu o ēnei tērā ka whakaputa i ngā āhua hou o te whakahaere i ngā whakaekē ā-ipurangi, i te taihara e whakaheingia ana e te ipurangi
- te mahi ā-ipurangi e tautokona ana e tētahi whenua, me te rehurehu o te rerenga kētanga i ngā kaimahi whakakino takitahi, i ērā e tautokona ana e tētahi whenua hoki, me ū rātou āheinga
- ka nui ake ngā pae mākete pōuri e hokohoko ana i ngā pūmanawa me ngā mōhiohio whakakino, mā reira e tō mai ana ngā whakaekē ā-ipurangi ki te whaitua o te hunga ehara i te matatau ki te hangarau
- te whakamahinga nui ake o ngā moni whitirangi mā ngā pūnaha ahumoni he ngoikore te waeture ki te āhuatanga whakapai moni o ngā whakaekē ā-ipurangi, ā,
- te pikinga ki te whakamahinga o ngā whakaekē ā-ipurangi ki te tautoko i ētahi atu mahi ka pā ki te whakahaumarutanga ā-motu pērā i te kōrero whakatuapeka me te kōrero horihori, i te raweke rāwaho, i te taihara nahanaha whakawhitī pae whenua.

Te takatū mō te anamata ināianei:

- Ka tukuna e **Collaboration - New Zealand's Cyber Security Strategy 2019** tētahi pou tarāwaho mō te mahi e arahina ana e te kāwanatanga, ki te pātuitanga ki te rāngai tūmataitī. E tautoko ana te NCSC i ngā whakahaere hira ā-motu ki te whakahaumaru i ō rātou whatunga, ā, ka mahi kia tuku i te tohutohu ārai mō ngā momo mahi ā-ipurangi whakakino ka pā pea ki te whakahaumarutanga, i te oranga ā-ōhangā rānei o te motu, me te kaiwaenga, te hopu, me te kotiti i ērā. Nā te mea he momo taihara nahahaha ngā whakaeke ā-ipurangi, ā, ko te kōkiritanga matua ko te huamoni, ka aro te Transnational Organised Crime Strategy ki te whakarite i ngā rōpū taihara, ki ngā whanonga whakapai moni e noho ana ki raro i ngā huamoni taihara, tae atu ki ērā o ngā kaiwhakaeke ipurangi.
- **Te mōhiohio me te tūhononga tūmatanui** - ka whiwhi, ka whakaputa pūrongo, pānui whakamōhio hoki a NCSC rātou ko CERT NZ, ko Ngā Pirihimana o Aotearoa, ko Netsafe.
- **Te tūhononga ā-ao** - kei roto i tēnei ko te whakaaetanga ki te '**Budapest Convention**' mō te Taihara ā-ipurangi, e whai ana kia whakapakari i te pāhekohēko ā-ao hei whakatutuki i te taihara ā-ipurangi, me te tūhononga ki ngā hoa pātui ki te UN, i ētahi atu huinga anō hoki hei kaiwaenga, hei kokoti hoki i ngā mahi ā-ipurangi whakakino. E whakaū ana tēnei he auau tā ngā whakatuma ā-ipurangi hāngai ki ngā take whakawhitī pae whenua e hiahiatia ai ngā otinga ā-ao. He tata hoki te mahi tahi a te NCSC ki ngā hoa pātui ā-ao hei hanga i te rārangi reretahi o te wawaonga ā-ipurangi.
- **Te uruhi ture me te kitenga whai take tōrangapū** - ka mahi ngā umanga ki ngā hoa pātui ā-ao, kei roto nei ko te toha mōhiohio, ko te toha kitenga whai take tōrangapū hei ārai i ngā whakaeke ā-ipurangi ki te pūtake ki ētahi atu whenua. Ka whai hoki ngā pirihimana ki te kawe i ngā kēhi whakahokinga rawa whakawhitī pae whenua ki ngā taihara ā-ipurangi ki te pātuitanga ki te uruhitanga ture i tāwāhi.

Te taihara nahanaha whakawhiti pae whenua

Ko te taihara nahanaha whakawhiti pae whenua ko tētahi raru huri noa i te ao e takahi ana i te oranga ā-hapori, i te mana kāwana, i te whanaketanga ā-ohaoha, i te whakahaumarutanga ā-motu. I te ao whānui, ko te whiwhinga pūtea o ngā rōpū taihara nahanaha whakawhiti pae whenua e whakatautatahia ana ko te US\$3 tiriona (he ōrite rānei ki te 4% o te tapeke wāriu hokonga o te ao).⁸

Mā ā rātou mahi taihara, he auau tā ngā rōpū taihara nahanaha whakawhiti pae whenua whai kia riro mai te mana, te whakaaweawe, te pūtea hoki i a rātou mā ngā mahi pērā i te hokotaihara whakapōauau, i te whakahāwini manuheke, i te hokotaihara tāngata, i te tinihangā me te kikino, i te taihara ā-ipurangi hoki. E mahi ana rātou ki Aotearoa, puta noa i te motu, ā, ka takea mai te kino ki ngā tāngata, ki ngā pakihī, ā, ka pāngia te whakawhirinaki ki ūtātou whakahaere, ki tōtātou rongo huri noa i te ao.

“KUA PŪRONGOHIA E NGĀ PŪTAKE RONGO
KŌRERO WHIRINAKI I NGĀ TAU TATA NEI ĒTAHI
RIRONGA WHAKAPŌAUAU HŌKAI-RAHI, ĒTAHI
TAIHARA RĀKAU TAIHARA, AHA ATU. HE TINO
TOHU TĒNEI E ORA ANA, E KAHA ANA HOKI TE
TAIHARA NAHANAHA E WHAI WĀHI ANA NGĀ
KAIMAHI Ā-AO KI AOTEAROA I TĒNEI WĀ, Ā, HE NUI
TE TŪPONO KA HOPUA ĒTAHI ATU MAHI PĒNEI Ā
TE 12 MARAMA E HEKE MAI NEI.” KAIWHAKAHOKI
UIUI

Ki a mātou e whakahei ana te whakaniko haere me ngā hononga whakawhiti pae whenua ā-ao rangiwhāwhā i te taihara nahanaha. Ka mahi ngā hononga mā ngā pūnaha pae whenua me te hokohoko, mā ngā pūnaha whakapai moni kaihuawaere ngaio me ngā kamupene anga me ngā tarahiti, ā, i runga i te hiahia me te ratonga whakawhiti pae whenua mō ngā rawa me ngā ratonga taihara e tipu haere ana ngā tūraru mō tōtātou pāpori mai i te taihara nahanaha whakawhiti pae whenua.

Kei ēnei pānga te tūpono pā ki te whakawhirinaki, ki te māia o te hunga nō Aotearoa ki ō tātou whakahaere tūmatanui, ki ā tātou pūnaha hei urupare atu. I whakaarohipa e te waru tekau ūrāu o ngā kaiwhakahoki ki te National Security Public Survey he whakatuma tūturu o te taihara nahanaha hei te 12 marama e heke mai ana, ā, i whakaarohipa e te 78 ūrāu ka haere tonu te whakatuma mō te 10 tau e heke mai ana.

Ka whakahaeretia ngā rōpū taihara nahanaha whakawhiti pae whenua e ngā kaiārahi ka whakamahi i ngā utu whakapati, i te whakaweti, i ngā whakatuma hei whakahaere i ngā mahi taihara a ngā rōpū, hei tiaki i ngā mākete taihara hoki. Ka kitea te taikaha hei otinga waiwai mō te whakahaere. Ko te taikaha-hei-ratonga ko tētahi ratonga e utua ana pea e whakaratoa ana e ngā mātanga taihara, ki ngā pūroi taihara hoki/rānei ka kitea te taikaha ā-tinana, ngā rākau, ngā pū hoki hei ara ki te tautoko i te whakahaerenga o ngā mahi taihara. Ko ētahi o rātou i tuku tāpaetanga tūmatanui mō te kaupapa pānui i miramira i ngā pānga ā-pāpori whānui ake o te taihara nahanaha whakawhiti pae whenua, ā, ka kīa ko te taikaha hāngai-kēnge, ko ngā kōtuitui toha pūroi paetata ko ētahi āwawangawanga matua.

Hei te tau 10 ki te 15 e heke mai ana, e whakapae ana mātou ka kitea:

- te whakahāwini piki haere o ngā mākete taihara kei ngā wāhi katoa he huamoni i reira - arā, kei ngā pūroi taihara, kei ngā rākau me ngā pū taihara, kei te taihara ā-ipurangi me ngā taputapu hangarau e puta mai ana, kei ngā kararehe me ngā rawa māori, kei te hekenga me te mahi taihara, kei te kawenga taihara mai o ngā rawa e whakariteritea ana, kei te hara tāware me te kikino. E whakapae ana mātou ka urutau tonu, ka whakawhanake tonu ngā rōpū taihara nahanaha whakawhiti pae whenua i ā rātou hātepe o te whiwhi i ngā whiwhinga ahumoni mai i te tūkino ki ētahi atu
- te taihara pūroi taihara piki haere e āta pā ana ki ngā hapori ki Aotearoa e whakataumahatia ana ā-pāpori, ā-ahumoni rānei, nā te mea e heipūtia ana rātou e ngā whakahaere taihara hei pāturenga o te taihara, engari anō hoki hei hapori e taritari ai ngā rōpū taihara whakawhiti pae whenua i te tangata mō rātou⁹
- te whakaniko piki haere ki te whakapai moni, kei roto nei mā ngā kamupene anga, kei ngā taratahi huri noa i te ao, ā, mā te moni, mā ngā moni whitirangi hoki. He mea āwhina ngā mākete moni ki Aotearoa kāore i te whakariteritea ki te whāngai i te whakapai moni. Ka wawe tā rātou makihuhunu i ngā āpure ki ngā waeture. Ka rapua e ngā whiwhinga pūtea a te taihara tōna ara ki ngā kaupapa pakihī, ki te whai whare, ki ngā rawa hāneanea, mā reira e tino tūkino i ngā tāngata e hoko whare ana, e whakahaere pakihī ana hoki
- ka whakataumahatia ngā whakahaerenga pae whenua o Aotearoa e te taihara nahanaha
- ngā whakapaunga kaha piki haere mā ngā rōpū taihara nahanaha whakawhiti pae whenua hei whakaaweawe, hei whakauruuru, hei kikino, hei whakapati i ngā tāngata takitahi, i ngā ngaio, i te rāngai tūmatanui hoki hei āwhina kia kōkiri i ngā mahi taihara, i ngā mahi whakatuma whakahaumarutanga ā-motu hoki. He mea whakatuma tēnei i te whakawhirinaki, i te māia tūmatanui ki ō tātou whakahaere, ki te rongo o Aotearoa hei pāpori āhua wātea i te kikino, hei hoa pātui hokohoko iti te tūraru.

Ētahi mahi e mahia ana e mātou ināianei

- **Te ārai-whakapai moni me te whakahokinga rawa** - te tiri mōhiohio kūpapa, te mahi tahi ki ngā hoa pātui whakawhitī pae whenua hei ārai, hei hopu, hei kaiwaenga hoki i te taihara nahanaha.
- **Te pātuitanga whakawhitī pokapū, ki ētahi atu whenua hoki hei ārai i ngā whakatuma kei tāwāhi** - te mahi ki tāwāhi, kei roto nei mā te tiri mōhiohio me ngā kitenga whai take tōrangapū, hei whakatū i ngā whakatuma, inarā i te taenga mai o ngā pūroi, o te hunga taihara ki Aotearoa.
- **Te uruhi ture** - ngā mahi whakawhitī-pokapū ki te urupare atu ki te taihara nahanaha, kei roto nei ko te hōtaka mahi kua whakamanatia e te Rūnanga Kāwanatanga arā ko Resilience to Organised Crime in Communities, me te Transnational Organised Crime Strategy.

Te raweke nō tāwāhi me te tūtei

Kua noho a Aotearoa hei keonga atu mō te raweke nō tāwāhi me te tūtei, ā, ka pērā tonutia.

Kei roto i tēnei ko ngā ngana a ētahi whenua, hei tauira:

- ki te whiwhi āheinga ki ūtātou mōhiohio tapu, ki ūtātou hangarau, ki ūtātou rawa whakairo hinengaro rānei (pērā i tērā mai i ūtātou pakihī, mai i ūtātou whare wānanga, mai i ūtātou whakahaere rangahau hoki)
- ki te whakamahi i ngā whakaekē ā-ipurangi kia tāhae mōhiohio, kia heipū rānei ki ngā hanganga
- ki te aroturuki, ki te whakahaere, ki te whakaweti rānei i ūtātou hapori, inarā ko rātou whai hononga ki ngā whenua rāwaho, me te pā ki ūtātou tika, ki ūtātou herekore ki Aotearoa
- ki te pēhi, ki te horapa rānei i te mōhiohio (kei roto nei mā te pāpāho pāpori) e whakaatu ana i ūtātou pānga, kei roto nei ko te toha kōrero whakatuapeka
- ki te whakaaweawe i ngā māngai kāwanatanga kua pōtitia manaporitia, i ngā rōpū tōrangapū, i ngā pōtitanga hoki, ā,
- ki te whakatuma, ki te whai rānei kia uruhi i te tino rangatiratanga o Aotearoa, i te herekore kia hanga i ētahi whakatau rānei (hei tauira, te whakatuma kia whakakore i te kawemai, i te tukuatu rānei o ētahi rawa i waenganui i ngā whenua mēnā ka whāia tētahi ara mahi).

Huri noa i te ao, e pikī haere ana te raweke rāwaho, ā, ehara a Aotearoa i te āraitia - he nui ake ngā tauira o tēnei e kitea ana e tātou.

Mai i a rātou i tuku tāpaetanga tūmatanui mō te kaupapa pānui:

- i kite ētahi i te raweke rāwaho hei whakatuma ki ngā taumata ā-whaiaro, ā-motu hoki
- i āwangawanga ētahi ka whai pea ngā whenua rāwaho kia whakawehe i ngā hapori mātāwaka kei Aotearoa (ki te horopaki o te tikanga ā-ao e ngoikore haere ana)
- he pakū neke atu i te hautoru i kōrero mō Haina, ā, i hāngai ngā āwangawanga ki te raweke ki ngā hapori e noho ana ki Aotearoa, me te whakaaweawe pea ki ūtātou raweke whakahaere tōrangapū, pāpāho, pakihī hoki, ā,
- i whakaputa ētahi i ngā āwangawanga mō te hiahia kia whakakanorau i ūna mākete hokohoko hei ārai i te uruhi ā-ohaoha hei anamata.

Hei te tau 10 ki te 15 e heke mai ana, e whakapae ana mātou ka kitea:

- tā ngā hangarau matihiko e puta mai ana panoni i te āhua o te whai a ngā whenua rāwaho ki te whakaaweawe i a Aotearoa (i ngā whenua pātata hoki), me te whakapiki tonu i te uua kia ārai mātou i tēnei
- ka kite nuitia te tātāwhāinga i waenganui i ngā whenua ki te 'takiwā hina' i waenganui i te pakanga me te maungārongo (kei roto nei ko ngā mahi raweke rāwaho). Ka nui ake te tūpono o te whakahaere whenua he mea tautohe, he mea uruhi hoki. He huna te whai a ētahi whenua i ū rātou whāinga, ina pupuri ana i te āhua noho wehe hei ārai, hei whakaiti rānei i ngā urupare, i ngā utu kino ā-ao.

Te takatū mō te anamata ināianei:

- **Te Tūhononga Tūmatanui** - te whakapiki mōhiotanga, āheinga hoki ki ngā hinonga e aro ana ki ngā tūraru raweke rāwaho. E mahi ana te **kāwanatanga** ki ngā whakahaere rangahau hei āwhina i a rātou kia whakahaere i ngā tūraru e hāngai ana ki ngā hangarau whakaraerae, ā, e tuku ana i te kupu ārahi ki ngā āpiha kua pōtitia, ki ērā atu rāngai e aro ana ki ētahi tūraru.
- **Te tiri mōhiohio me ngā taputapu** - e whakatairanga ana mātou kia nui ake te māramatanga o ngā mahinga whenua rāwaho me te whakamahi i **ngā Protective Security Requirements o Aotearoa** hei tuku i tētahi pou tarāwaho ka taea e ngā whakahaere te whakamahi hei arotake, hei whakapakari hoki i ū rātou whakaritenga whakahaumarutanga.
- **Te ture** - kei te whakaritea e mātou kei a Aotearoa ngā kaupapa here, ngā ture e tika ana mō te take hei whakatutuki i te raweke nō tāwāhi me te tūtei. Kei roto i ēnei ko te Overseas Investment Act 2005, ko te Telecommunications (Interception Capability and Security) Act 2013, ko te pou tarāwaho whakahaere hokohoko ki tāwāhi, ko ā mātou ture tuku pūtea pōtitanga hoki.

Te whakatuatea me te angahāruki kaikoka

I miramirahia e ngā urupare ki te National Security Public Survey e āwangawanga ana te hunga e whanake haere ana te whakatuatea me te angahāruki kaikoka ki Aotearoa, ā, ka uua ake te ārai i ērā ā te anamata. E waru tekau ōrau o ngā kaiwhakahoki uiui i whakapono he whakatuma tūturu o tētahi whakaekē whakatuatea, o tētahi mahi angahāruki kaikoka ki Aotearoa hei te 10 tau e heke mai ana, ā, ko te whakaaro o te 23 ōrau ko te whakatuatea ko te whakatuma nui rawa atu ki ō rātou hapori.

Huri noa i te ao, ko te angahāruki kaikoka tētahi whakatuma e whanake haere ana, e kōkirihiā ana e ngā whakapono (ngā āhua whakaaroaro) e piki haere ana te whīwhiwhi, ā, e whakatuma tonu ana te whakatuatea i te haumaru o ngā tāngata takitahi, i te wairua kotahitanga o ngā hapori. Ko ētahi o ngā kaikōkiri o te angahāruki kaikoka ko te tōtara weherua i roto i tētahi pāpori (ngā wehenga hōhonu ki ngā whakapae, ki ngā whakapono rānei), ko ngā wehenga i waenga, i roto hoki i ngā rōpū tōrangapū, hāhi, tuakiri hoki, me ngā whakatuma tūturu, ka kitea rānei ki ngā tuakiri, ki ngā uara, ki te mana, ki te tūranga hoki o ngā rōpū.

Ka tūkinohia tonuhia te ipurangi e te hunga angahāruki kaikoka - ā, he nui ake te whakaahē i ā rātou mahi mā te nohomuna tuihono, mā te āheinga, mā te tūmataiti ka tukuna e te whakamuna, mā ngā wero kei mua i te aroaro o ngā kāwanatanga, o ngā kamupene, o te pāpori tūmatanui hoki kia noho ki mua tonu i te hangarau. Kei te whakamahia e te hunga angahāruki kaikoka te ipurangi hei taritari, hei tiri mōhiohio, hei whakamahere me te pāho mataora i ngā whakaekē, ā, e whakaahē ana ā rātou karere whakatūwhana kia puta mai te whānuitanga o ngā whakapono, he iti noa, karekau rānei te whakatūpatotanga.

I miramirahia e ***Ko tō tātou kāinga tēnei*** - te pūrongo a te Kōmihana Roera ki te whakaekē whakatuatea ki te masjidain ki Ōtautahi - ngā wero o te aroturuki, o te ātete i te angahāruki ki te ipurangi, ā, i whakaūngia anō te matea kia whai ngā umanga kitenga whai take tōrangapū, whakahaumarutanga hoki i ngā pūkenga, i ngā taputapu, i te raukaha hoki ki te tautoko i ngā mahi ātete-whakatuatea. E tino āwhinatia ana ēnei mahi e te whai āheinga ki te mōhiohio tika i te wā tika.

Hei te tau 10 ki te 15 e heke mai ana, e whakapae ana mātou ka kitea:

- te piki haere o te horapa o te mauāhara me ngā tirohanga whakatoihara ki te ipurangi, inarā ko te kōrero mauāhara kaikoka me te whakamahinga o ngā rauemi hunga angahāruki kaikoka, ka whakapakari ai te pikinga o ngā whakatuma o te whakatuatea me te angahāruki kaikoka
- te piki haere o te kanorau o ngā whakapono angahāruki huri noa i te ao, me te putanga mai o ngā huīngā āpiti, o ngā whakapono inaki.

Te takatū mō te anamata ināianei:

Ko te whāinga o te ***Countering Terrorism and Violent Extremism Strategy o Aotearoa*** ko te whakakotahi i tō tātou whenua hei whakahaumaru i te hunga katoa o Aotearoa i ngā momo katoa o te whakatuatea me te hārukiruki kaikoka. E whā ngā pou o tēnei rautaki, e whai mahi ana tae atu ki ēnei:

- **Mōhio** - te whakatū i a ***He Whenua Taurikura***, arā i te National Centre of Research Excellence for Preventing and Countering Violent Extremism. Mā te pokapū e tuku te rangahau motuhake, e aro pū ana ki Aotearoa mō ngā pūtake o te whakatuatea me te hārukiruki kaikoka, me ngā mahi hei ārai i ērā.
- **Mahi tahi** - ka tukuna e te hui ā-tau a He Whenua Taurikura mō te ārai me te ātete i te angahāruki kaikoka tētahi wāhi arotahi kia mahi ngātahi hei motu kia whakaheke i te tūraru.
- **Whakahōtaetae** - kua tīmata kē te mahi hei whakawhanake i tētahi ***Strategic Framework for preventing and countering violent extremism and radicalisation in Aotearoa New Zealand***. Ko ētahi o ngā mahi whakahōtaetae kua tīmata kē ko He Aranga Ake, arā ko tētahi hōtaka tini-umanga e mahi tahi ana, e tautoko ana i ngā tāngata takitahi e whakaatu ana i ngā whanonga āwangawanga. Kātahi anō ka whakaputaina tētahi aratohu, ***Kia mataara ki ngā tohu - Know the signs***, hei āwhina i te hunga nō Aotearoa kia tautuhi i ngā tohu o te angahāruki taikaha.
- **Takatū** - e mahi ana mātou ki te pātuitanga ki te tautoko i ngā pārurenga o ngā whakaeke, waihoki ki te whakarite kei a tātou ngā ture e tika ana mō te take mō te ātete-whakatuatea, mō ngā pū, mō te whakapai moni, mō te ātete i te tuku pūtea ki te whakatuatea. Puta noa i te ao, ko Aotearoa tērā, ki te taha o Wīwī, e ārahi ana i te whakatinanatanga ā-ao o te Christchurch Call to Action hei whakakore i te kiko whakatuatea me te angahāruki kaikoka ki te ipurangi. Ko tētahi kaupapa whakaarotau mō te Christchurch Call Community kia pai ake te mārama ki tā ngā hātepe, ki tā te whakawhitinga i waenganui i ngā hātepe me ngā kaiwhakamahi hoki, pā atu ki ngā ihirangi whakatuatea, angahāruki taikaha me te whakatūwhana ki te ipurangi. Ko te mārama ki ngā putanga hātepe tētahi mea matua kia whakawhanake i ngā pūwāhi raweke me te whakatere i te hangarau ki ngā otinga hangarau.

Ngā wero aumangea o Te Moana-nui-a-Kiwa

I runga i te takotoranga papa, i te hononga pātata i waenganui i ō tātou tāngata, i te pāhekoheko o ā tātou pūnaha (hei tauira ki te tiaki hauora), ko ngā pānga kei te takiwā o Te Moana-nui-a-Kiwa ka pā kaha ai ki Aotearoa. He mea waiwai Te Moana-nui-a-Kiwa e rangimārie ana, e ū ana, e taurikura ana, he aumangea hoki mō te whakahaumarutanga ā-motu o Aotearoa. Heoi anō e aro ana tō tātou takiwā kāinga ki te whānuitanga o ngā wero whakahaumarutanga e hono ana tētahi ki tētahi, e whakaputu ana tētahi i tētahi hoki.

Ka noho tonu te panoni āhuarangi hei whakatuma tino nui rawa atu kotahi ki ngā oranga, ki te whakahaumarutanga, ki te ora hoki o ngā hunga kei Te Moana-nui-a-Kiwa, ā, ko ētahi o ngā pānga pākaha piki haere ko te pikinga o te pae moana, ka nui ake ngā pānga huarere nui whakaharahara, ko ngā kōpaka wai māori, ko te pēhangā ki ngā putunga kai. He take e pā ana ki te oranga tonutanga te panoni āhuarangi ki ētahi motu o Te Moana-nui-a-Kiwa, ā, e whakamōreareatia ana hoki te whakapakari i ngā wero ā-pāpori, ā-ohooha, ā-whakahaumarutanga o nāianei.

Ka whakararu tonu ngā whakatuma whakawhitī rohenga i te aumangea o Te Moana-nui-a-Kiwa, anei ētahi, engari kāore i te herea ki ēnei: te taihara nahanaha whakawhitī pae whenua; ngā taihara taiao pērā i te tope rākau taihara, te pokenga moana me te hīnga ika kāore i te whakariteritea, kāore i te pūrongohia; ngā whakatuma koiora tae atu ki ngā tahumaero mau noa me ngā momo urutomo; ā, ko ngā āhuatanga hou ake pērā i te taihara ā-ipurangi, i te raweke rāwaho, i te kōrero horihori me te kōrero whakatuapeka.

Ki ngā whakaaro o ngā kaiwhakahoki ki te National Security Public Survey e whakataumahatia ana te whakaaweawe o Aotearoa ki Te Moana-nui-a-Kiwa ināianei, ā, i whakapono rātou ka piki haere noa te wero hei te 10 ki te 15 tau e heke mai ana:

- E 57 ūrau i kī he whakatuma tūturu ka whakamōrearea ētahi atu whenua (nō waho atu i Te Moana-nui-a-Kiwa) i ngā pānga o Aotearoa ki Te Moana-nui-a-Kiwa hei te 12 marama e heke mai ana
- E 61 ūrau i kite i te whakatuma mai i ērā atu whenua i Te Moana-nui-a-Kiwa hei mea āwangawanga hei te 10 tau e heke mai ana. He nui ake te kitea o tēnei tirohanga i waenga i ngā kaiwhakahoki nō Āhia, nō Te Moana-nui-a-Kiwa hoki.

Ki a mātou ka piki te tātāwhāinga rautaki ki Te Moana-nui-a-Kiwa, e kōkirihiā ana e te Haina e ara ake ana. Ā te anamata ka nui atu te pā a tēnei tātāwhāinga ki te whakahaumarutanga me te tino

rangatiratanga o tō tātou takiwā, o ngā motu nō Te Moana-nui-a-Kiwa hoki. Ahakoa kua whai hua te whakahaumarutanga ā-motu o Aotearoa i te takiwā ū, he rangimārie hoki mō te nuinga o te whitu tekau tau kua pahure ake, ko te takune e tohua ana mai i ngā kaimahi kei waho atu i te takiwā kia whakapakari i ū rātou tapuwae whakahaumarutanga e hua ana ki te tātāwhāinga whakahaumarutanga nui atu. Nā konei e tūraru ana ngā tikanga mau roa kua whai hua mō tō tātou takiwā.

Hei tauira, i te tau 2019, i whakapuakina tūmatanuitia e Haina tōna takune kia whakapiki i tana pāhekoheko hōia ki Te Moana-nui-a-Kiwa, e hāngai ai ki ōna whāinga ā-matawhenua-tōrangapū, ā-rautaki, ā-ohaoha hoki.¹⁰ E whāia ana hoki e ētahi atu whenua ki te whakapiki i tō rātou tūhononga ki Te Moana-nui-a-Kiwa, i tō rātou awenga hoki mō ētahi take, ā, mā tēnei pānga whānui ake ka nui ake te whīwhiwhi, te tātāwhāinga hoki.

Hei te tau 10 ki te 15 e heke mai ana, e whakapae ana mātou ka kitea:


- te tātāwhāinga rautaki e pākaha haere ana ka whakatū wero ki ngā tūāpapa o nāianei o te whakahaumarutanga ā-takiwā ki Te Moana-nui-a-Kiwa
- ka piki haere te whīwhiwhi me te whatutoto o ngā wero whakawhiti-rohenga, ehara nō te whenua hoki, pērā i te taihara nahahaha whakawhiti pae whenua
- he pēhangā ki te whakahaumarutanga tangata, tae atu ki te whakahaumarutanga kai me te wai
- he pānga, he aituā e ahu mai ana i te panoni āhuarangi e pā ana ki ngā tini whenua i te wā kotahi, ā, nō reira ka herea tātou kia nui ake te haumitanga ki te aumangea o Te Moana-nui-a-Kiwa me te āheinga ki te urupare.

Te takatū mō te anamata ināianei:

- Ka whakaaturia e tō tātou tūhononga haere tonu ki roto i Te Moana-nui-a-Kiwa tō tātou tūhononga hōhonu ki te takiwā me ōna takiwā, ā, e kōkirihi ana e tō tātou hiahia ki te wāhi pātata he rangimārie, he ū, he taurikura, he aumangea hoki.
- Ko te Pacific Resilience Policy a Aotearoa e whakaū ana i te noho iho a Te Moana-nui-a-Kiwa ki tō tātou tuakiri, ki tō tātou tirohanga ā-ao, ā, e whakaū ana ko te ara tino mau roa ka taea e tātou te anganui ki ēnei wero whīwhiwhi mā tētahi aronga torowhānui, ki te pātuitanga tata ki ērā atu whenua o Te Moana-nui-a-Kiwa, hei whakapakari i te aumangea wā-roa.
- E whakaū ana kei ngā tūraru whakahaumarutanga ā-motu i ngā wā katoa te whānuitanga o ngā āhuatanga kōkiri ā-pāpori, ā-tōrangapū, ā-ohaoha, ā-taiao hoki, kua ū tātou ki te tuku i te neke atu i te \$1.8 piriona o te tautoko whanaketanga ki ngā motu o Te Moana-nui-a-Kiwa i waenganui i te tau 2021 ki te 2024, kei ngā āhuatanga mai i te mātauranga Moana-nui-a-Kiwa, ki ngā pūnaha hauora, ki te mana motuhake ā-ohaoha, ki ngā tika tangata me te whanaketanga whakauruuru, ki te mana whakahaere me te manapori, ki te whanaketanga hanganga, arā noa atu anō.
- Kua roa tātou e tuku tautoko ana ki te whakapakari i te raukaha whakahaumarutanga ake o ngā motu o Te Moana-nui-a-Kiwa, hei tauira ki te mahi pirihimana, ki te mana ārai, ki te hekenga, ki

te whakahaumarutanga ā-ipurangi hoki. Mā te mahi tahi ki ō tātou hoa pātui tata, inarā ko Ahitereiria, ka tuku hoki a Aotearoa i te wawaonga tōtika, i ngā tukunga whakahaumarutanga ki te takiwā, kei roto nei ko ngā mahi ārai pērā i ngā tirotirohanga mahinga ika, i ngā urupare ohotata - hei tauira whai muri i ngā aituā māori.

- He kaitautoko kaha hoki tātou o te hoahoa takiwā e whakahei ana i ngā urupare nō Te Moana-nui-a-Kiwa mō ngā raru o Te Moana-nui-a-Kiwa, ka tautoko tātou i te whānuitanga o ngā whakatōpū ā-takiwā pērā i te Forum Fisheries Agency, i te Pacific Transnational Crime Coordination Centre, i te Pacific Islands Chiefs of Police, i ētahi atu anō.
- Ka ōrite tonu te hira o te āhua o te mahi tahi a Aotearoa ki ngā hoa pātui o Te Moana-nui-a-Kiwa ki ngā mahi ka whakamahia e tātou. Mā te whakaatu i ngā uara o te whanaungatanga, o te kotahitanga, o te kaitiakitanga, me te whakaū i te mana ake o ngā motu o Te Moana-nui-a-Kiwa e whakapakari ō tātou pātuinga.



Te Whakahaumarutanga ā-Motu ki Aotearoa hei te 10 - 15 tau

I TĒNEI WĀHANGA KA TIROHIA
ĒTAHI O NGĀ TONO
TĀTĀWHĀINGA MATUA ME NGĀ
KŌWHIRINGA KEI MUA I TŌ
TĀTOU AROARO

Te Whakahaumarutanga ā-Motu ki Aotearoa hei te 10 - 15 tau

Kei tēnei wāhanga ka pēnei mātou:

- ka tirohia ētahi o ngā tono tātāwhāinga matua me ngā kōwhiringa kei mua i tō tātou aroaro
- ka whai whakaarohia tērā kua rangona e mātou me whakamahi (nā te akoako kaupapa, nā te National Security Public Survey, nā ngā tirohanga mai i te rāngai whakahaumarutanga ā-motu whānui ake hoki) kia pai ake te tūhonohono, ā, kātahi
- ka whakaaturia ētahi ariā mō te īhua ka taea o te anamata pai mō te whakahaumarutanga ā-motu, ā, ka pēhea tā mātou whakawhanake i ngā īhua e tūhono ai mātou ki te Aotearoa kanorau ake ki te whakahuri i aua ariā kia tūturu ai ā roto i te wā roa ake.

E piki haere ana ngā tūraru ki te whakahaumarutanga ā-motu o Aotearoa, he matatini, ā, e kōtuia ana tētahi ki tētahi. Hei whakarite kia noho tātou ki te tūranga tino pai rawa atu kia urupare atu me mātua tūhono mātou ki te hunga katoa nō Aotearoa.

E mōhio ana mātou tē taea e ngā umanga kāwanatanga te tuku ki tō rātou kotahi te whānuitanga o ngā urupare e matea ana kia whakatutuki i ngā tūraru whakahaumarutanga ā-motu kei te paerangi, ā, hei wāhanga o te whakawhanake i tēnei pānui i rapu mātou i ō tirohanga mō te īhua ka taea o te whakahaumarutanga ā-motu hei te 10 ki te 15 tau e heke mai ana.

Ngā tono tātāwhāinga matua me ngā kōwhiringa kei mua i tō tātou aroaro

Ko ngā tono tātāwhāinga matua me ngā kōwhiringa kei mua i tō tātou aroaro ko ērā ka pā ki tō tātou īheinga ki te tuku i te anamata pai mō te whakahaumarutanga ā-motu o Aotearoa. Ā roto i te wā ka nui ake te here kia whakataurite, kia whakaarotau te hunga nō Aotearoa i ēnei tono, i ēnei kōwhiringa, i te wā tonu e mōhio ana ka panoni haere ngā matea, ngā kawatau hoki ā roto i te wā.

Hei tauira, me mātua whakataurite, me mātua whakaarotau i waenga i:

- te tūmataiti, te whakahaumarutanga me te whakawhirinaki

- ō te kotahi, ō te takitini matea me ngā hiahia
- te herekore o te whakapuakitanga me te ātete i te kōrero mauāhara, i te angahāruki kaikoka, i te kōrero whakatuapeka hoki
- te whakarite i te pai o ngā mahi mōhiohio me te whakahaumarutanga me mātua whakahaere matatapu ai, i te wā hoki e whai ana ki te tūhono ki te iwi tūmatanui me te tiri mōhiohio hoki
- te haumi hei urupare ki ngā aituā o nāianei me te whakapakari i tō tātou āheinga, i tō tātou raukaha ki te urupare ki ngā werō o anamata, tae atu ki te takatū mō ngā pānga he nui te pānga engari me uaua ka kitea, ā,
- ngā tono rerekē mō te pūtea tūmatanui, tae atu ki ngā kawatau tūmatanui rerekē pea mō ngā haumitanga ki te whakahaumarutanga ā-motu. Kāore pea te kawatau tūmatanui me ngā taumata o te tautoko e whakaatu i ngā tūraru me ngā werō e piki haere ana ki te whakahaumarutanga ā-motu o Aotearoa.

Me mātua kōrerorero e tātou te whakahaumarutanga ā-motu

Nā ngā pānga i ngā tau tata nei, pērā i te pakanga ki Uropi, i te urutā ā-ao, i ngā kaimahi whakakino e heipū ana ki a Aotearoa, i te tikanga ā-ao e neke haere ana, kua nui ake tō mātou āwangawanga mō tō tātou whakahaumarutanga ā-motu.


E mōhio ana mātou e āwangawanga ana hoki te hunga nō Aotearoa, ā, e hiahia ana hoki kia nui ake te mōhiotanga, ā, ko ētahi e hiahia ana kia whakapiki te whai wāhitanga ki te āhua o tā mātou urupare - e whakapono ana rātou me tere tā tātou mahi i runga i ū mātou ake wheako, i runga hoki i ngā whakatuma e huri haere ana ki te hōkai ā-ao.

Ki te National Security Public Survey:


- e aro ana te nuinga o ngā kaiwhakahoki (e 58 ūrau) ki te ako atu anō mō ngā whakatuma, mō ngā werō, mō ngā angitu hoki mō te whakahaumarutanga ā-motu o Aotearoa
- e 39 ūrau i te aro ki te whakapuaki i ū rātou whakaaro, kia nui ake te whai wāhitanga mai o ngā kōrerorero tūmatanui mō te whakahaumarutanga ā-motu, ā,
- e 25 ūrau i mōhio ki te wāhi kia ako atu anō mō ngā take whakahaumarutanga ā-motu o Aotearoa, engari, kotahi noa iho mai i ia rima i whakapono e rawaka ana te tiri mōhiohio a ū tātou umanga whakahaumarutanga ā-motu.

**“ ME MĀTUA WHAKAPAU KAHA TĀTOU KIA
TŪHONO I TE HUNGA NOA NŌ AOTEAROA KI NGĀ
KŌRERORERO MŌ NGĀ WHAKATUMA
WHAKAHAUMARUTANGA Ā-MOTU KI AOTEAROA,
Ā, INARĀ ME WHĀTORO ATU KI NGĀ HAPORI E
TINO WHAKAMŌREATIA ANA E NGĀ WHAKATUMA
WHAKAHAUMARUTANGA Ā-MOTU.”
KAIWHAKAHOKI UIUI**

I tēnei wā e rawaka ana te tiri mōhiohio
a ngā umanga whakahaumarutanga
ā-motu o Aotearoa mō te
whakahaumarutanga ā-motu ki
te hunga nō Aotearoa



Mā te whakaaro anō mō ngā whakatuma katoa kua kapi i a tātou tae noa mai ki tēnei wā, e whakaae ana koe, e whakahē ana koe rānei ki tēnā, ki tēnā o ngā whakapuakitanga e whai ake nei?



E aro ana au kia nui ake te mōhio ki ngā whakatuma whakahaumarutanga ā-motu, ki ngā wero, ki ngā āheinga hoki


E hiahia ana au kia whai reo, kia nui ake te whai wāhitanga mai i ngā kōrerorero tūmatanui mō te whakahaumarutanga ā-motu rānei

E mōhio ana au me haere ki hea rapu mōhiohio ai mō te whakahaumarutanga ā-motu

Ki ahau nei e whai mōhio ana au ki ngā take whakahaumarutanga ā-motu

Kaha whakahē Whakahē Kāore i te whakaae, whakahē rānei Whakaae Kaha whakaae Kāore i te mōhio / rangirua

National Security Public Survey:
Ngā Hōngere Mōhiohio e whakamahia ana me te Hōngere Rorotu
mō te Mōhiohio mō ngā whakatuma



Tokomaha ngā kaitāpae mō te kaupapa pānui i kōrero mō tērā ki ō rātou whakaaro ko te korenga whānui o te māramatanga me te āheinga ki ngā umanga whakahauamarutanga ā-motu o Aotearoa. I hiahia rātou kia nui ake tō rātou mōhio mō ngā whakatuma tino āwangawanga ki a rātou. I kīia e ngā kaiwhakahoki uiui he pai ake ki a rātou te whiwhi mōhiohio mō ngā whakatuma whakahauamarutanga ā-motu mā ngā niupepa ā-ipurangi, mā te pouaka whakaata utukore hoki.

Nā ngā kaitāpae, ngā ngā kaiwhakahoki uiui hoki:

- i tautuhī tikanga mahi e whakataumaha ana i te whiwhi mōhiohio. Ko ētahi o ēnei ko ngā whakamāramatanga whāiti mō ngā whakatuma whakahauamarutanga ā-motu, he aha ngā whakatuma e whai take ana, ā, me pēhea a Aotearoa e urupare atu ai
- i kōrero mō ngā whīwhiwhi o te whai wāhitanga o ngā tini umanga ki te whakahauamarutanga ā-motu, ā,
- i kī mai e mataku ana ētahi tāngata, ētahi hapori hoki kia tūhono atu ki ngā umanga whakahauamarutanga ā-motu nā ō rātou wheako o mua.

I whakaputaina he marohi kia whakapai ake ngā umanga whakahaumarutanga ā-motu i tō rātou āheinga mā:

- te whakarite i ngā hōtaka whātoro atu e whai take ana (mā reira e āwhina, e āki ngā tāngata nō te hapori kia whai wāhi ki te tiaki i te whakahaumarutanga ā-motu o Aotearoa)
- te hanga me te whakaputa i tētahi rautaki tūhonohono, ā,
- te whakawhanake i tētahi mahere huarahi hei ārahi i te whakawhanaketanga o tētahi pātuitanga ki te marea mō te whakahaumarutanga ā-motu.

E rerekē ana te māia ki te āheinga o ngā umanga kāwanatanga kia urupare atu

I whakakitea e te National Security Public Survey e rerekē ana te māia o te hunga nō Aotearoa ki te āheinga o ngā umanga kāwanatanga ki te tuku i te whakahaumarutanga me te tiakitanga e ai ki te momo whakatuma.

Ina uiuia ka pēhea ngā umanga kāwanatanga e whakapakari ai i te māia o te tūmatanui, i miramirahia e ngā kaiwhakahoki uiui te matea kia pēnei ngā umanga:

- kia wawe te urupare
- kia takatū, ā,
- kia whakarite ka whai mātauranga, ka whai mōhiohio te marea.

Ka pēhea pea te āhua o te anamata pai mō te whakahaumarutanga ā-motu?

Kua tautuhia e mātou ngā āhuatanga tekau e whakapono ana mātou ka tautoko ai i te anamata pai ake mō te whakahaumarutanga ā-motu o Aotearoa ā roto i te 10 ki te 15 tau e heke mai ana. Mā ēnei tātou e āwhina kia pai ake ai tā tātou takatū, tā tātou urupare hoki ki ngā tūraru, ki ngā wero e tukuna ana ki tēnei pānui. He poto te whakaahua i ēnei, ā, kei te taumata teitei, he kōwhiringa ēnei āhuatanga mō te whakatewhatewha atu anō.

Ko te tūāpapa o ēnei āhuatanga ko te whakawhirinaki, ko te māia, ko te kotahitanga ā-pāpori - ka whakanakohia tō tātou aumangea ā-motu, ka tautoko hoki i a mātou kia mahi wawe, kia tiaki ai i ō tātou pānga whakahaumarutanga ā-motu.

E inaki ana, e kōtuia ana ēnei āhuatanga tētahi i tētahi, e tautoko ana i a tātou kia wawe, kia kotahi hoki te urupare, me te tiki i te mātauranga ngātahi o ngā tūraru kua tautuhia e mātou nā ngā kōrerorero ki ngā kaitōrangapū, ki a ngāi Māori, ki ngā āpiha kāwanatanga, ki ngā mātauranga, ki ngā pakihī, ki te pāpāho, ki ngā kaiārahi ā-hapori, ki ngā tāngata nō te marea hoki.

Kei te koke whakamua kē mātou, hei tauira, mā te whanaketanga o te National Security Strategy tuatahi o Aotearoa, mā te arotakenga o tō tātou pūnaha whakahaumarutanga ā-motu hei urupare ki ngā kitenga, ki ngā marohi o te Kōmihana Roera ki te whakaeke whakatuatea ki te masjidain ki Ōtautahi. Heoi anō, e whakapono ana mātou kei reira ētahi atu angitu, ā, e whai take ana te whakatewhatewha atu.

Ko ētahi o ngā āhuatanga matua o te anamata pai ko:

- **Te mōhiohio tūmatanui mārama, ka taea te āhei hoki** - mā te tiri mōhiohio, mā te whakangāwari e uru atu ai, e pānui ai ngā tāngata i tērā e whakapakari i te mātauranga o te marea mō ō tātou tūraru whakahaumarutanga ā-motu, mō ngā mahi e mahia ana e mātou e pā ana ki ērā, ā, mō ngā āhua ka taea e rātou te whakaheke i ērā, me te urupare atu. Mā konei e āwhina te whakatika i te kore taurite o te mōhiohio, me te tautoko i te whakaurunga mai o ngā tāngata. Mā te tiri hohe i te mōhiohio mā ngā ara e pai ana te uru atu, ka taea hoki e mātou te āwhina ki te whakapakari i te aumangea o ngā tāngata ki te kōrero horihori me te kōrero whakatuapeka hoki e hāngai ana ki ngā take whakahaumarutanga ā-motu.

- **Te tiakitanga rāngai whakahaumarutanga ā-motu** - Ka tautokona ngā Tumu Whakarae o ngā umanga whakahaumarutanga ā-motu kia kawe ngātahi i te tūranga tiakitanga kaha ake, kia kakama te tiro whakamua, kia tuku tohutohu, kia mahi i ngā mahi mō ngā wero me ngā āheinga o muri atu, hei tautoko i ngā kāwanatanga o nāianei, o muri atu hoki.
- **Te ārahitanga tōrangapū mō te whakahaumarutanga ā-motu kua whakapakaritia** - e ū ana ki ngā marohi o te Kōmihana Roera ki te whakaekē whakatuatea ki te masjidain ki Ōtautahi, he pai te whai mōhio a ngā minita kāwanatanga, ā, he “nui ake te tautohetohe mō ngā take whakahaumarutanga ā-motu, me te tautoko whakawhiti-rōpū tōrangapū mō tērā.”¹¹
- **Ngā pātuinga ā-ao e whakapiki ai, e whakapakari ai i tō tātou whakahaumarutanga ā-motu** - e mōhio ana kei ngā whakatuma whakahaumarutanga ā-motu o nāianei, o muri ake hoki pea ngā pūtake ā-ao e herea ana te tūhononga me te pāhekohēko ā-ao kia whakatutuki i ērā; kia kakama te tiri i ngā kitenga whai take tōrangapū, i ngā māramatanga, i ngā wheako, kia mahi ngātahi ki a rātou e ōrite ana ngā uara ki ō tātou, ka noho hei mea hira ki te tautoko i te whakahaumarutanga ā-takiwā, ā-ao hoki, ki te tiaki hoki i ngā pānga o tō tātou motu.
- **He rāngai whakahaumarutanga ā-motu e whakaatu ana i te kanorau o tō tātou motu, ā, he mea urutau, ka taea hoki te urupare ki ngā wero o anamata** - ā te wā e heke mai ana, ka taea e te rāngai whakahaumarutanga ā-motu he pai āna rauemi me te whānuitanga o ngā pūkenga, o ngā taputapu, me te raukahā rawaka te urupare ki ngā take whakahaumarutanga ā-motu matatini e tūpono mai ana i te wā kotahi. Ka huri tonu te kanorau o te rāngai i te huringa haeretanga o Aotearoa. Ka whakaūngia ngā rautaki ki te whakatairanga i te kanorau, i te whai wāhitanga, ā, e whakaāetia ana tō tātou kanorau hei kaha me mau i a tātou. E whakaū ana mātou i te matea i tohua e te Kōmihana Roera mō te umanga kitenga whai take tōrangapū me te whakahaumarutanga ā-motu he pai āna rauemi, e whakamanatia ana e te ture, kia noho haepapa mō te ārahitanga whakahaumarutanga me te kitenga whai take tōrangapū.
- **Te tautohetohe tuwhera i waenga i te hunga nō Aotearoa, me te kuputohu mai i ngā pūkenga kei waho i te kāwanatanga** - ka riro i ngā whakahaere pūmātauranga, i ngā rōpū huatau mō te whakahaumarutanga ā-motu te pūtea toitū e matea ana e rātou kia kawe i te rangahau me te tuku i te tohutohu motuhake. Mā konei e āwhina te whakatipu i te mōhiotanga tūmatanui me te tautoko i te taupatupatu taurite, whai hua hoki mō ngā ara ka taea e tātou te urupare ki ngā whakatuma whakahaumarutanga ā-motu e piki haere ana te matatini.
- **Te kōrerotanga hohe, tūhonohono hoki e te pāpāho** - e tautoko ana te kōrerotanga mō ngā take whakahaumarutanga ā-motu e te pāpāho i te tautohetohe mō ngā whakatuma whakahaumarutanga ā-motu, mō ngā whakatauritenga whakakapinga pea, mō ngā kaha me ngā ngoikore o ngā aronga. E whakaaturia ana e te kōrerotanga te kanorau o ngā tirohangā mai i ngā wāhi katoa o te pāpori o Aotearoa, ina whakakupu ana i ngā whakatuma, i ngā wero, ā, e whakaū ana hoki i te aumangea o ō tātou hapori, me te whakanui ina whakatutukihia ngātahitia ngā wero hei whenua tōtahi.
- **Te mōhio ki ngā hoa pātui kei waho i te kāwanatanga, me te mahi tahi ki a rātou** - ka whai māramatanga pai mātou o ngā mātanga, o ngā pūkenga e wātea ana ki ō tātou hapori hei āwhina ki te whakamauru, ki te urupare hoki ki ngā wero whakahaumarutanga ā-motu. Kei roto i tēnei ko te mahi tahi ki a ngāi Māori me te mōhio ki te tūranga hira o te iwi, o te hapū me te whānau ki te whakahaumaru i ngā tāngata. Kua rangona e mātou kei tō tātou rāngai pakihī, kei

ō tātou hapori te whānuitanga o te mātauranga, o ngā pūkenga, ā, e takatū ana, e hiahia ana ki te tautoko i ngā urupare ki ngā whakahaumarutanga ā-motu.

- **Ka rongo ngā hapori kua whakaheingia rātou, kua whakamanatia rātou kia tūhono ki te rāngai whakahaumarutanga ā-motu** - e whakaū ana mātou i te hiranga o te whakapakari i te whakawhirinaki, i te māia o te hunga nō Aotearoa ki a rātou ano, ki ō tātou whakahaere hoki. E ākina ana, e tautokona ana, e whai pūtea ana hoki ngā hapori kia tūhono ki ngā take whakahaumarutanga ā-motu mā te tiri mōhiohio, mā te whakapakari āheinga hei tētahi āhuatanga 'pakihi noa' ki tō tātou rāngai whakahaumarutanga ā-motu. E mārama ana te hunga nō Aotearoa ki ngā āheinga kia whai wāhi ki ō tātou pūnaha, ki ō tātou tukanga manapori hoki. He waehanga waiwai o tēnei te ako raraupori (ka pērā hoki te mātau matihiko) kia mōhio ai ngā tāngata, ngā hapori hoki me pēhea te tiritiri i ō rātou wheako, ō rātou pūkenga, ō rātou whakaaro hoki ki ngā tukanga whakawhanaketanga kaupapa here mā te tūhononga tūmatanui.
- **Ngā whakahaere whirinaki, e noho haepapa ana** - ko te pūnaha whakahaumarutanga ā-motu kei a ia te whakawhirinaki, te māia o ngā tāngata e whakaratohia ana e ia (arā, kei a ia te 'whakaaetanga ā-pāpori kia mahi i āna mahi') ka pai ake ai tana mahi i te pūnaha kāore i te pēnei.

Ka ahatia ā muri ake?

Kua tukuna tēnei pānui ki te Whare Pāremata, kua *whakaputaina* hoki. E takunetia ana kia tautoko tēnei pānui i ngā kōrerorero haere tonu mō tō tātou whakahaumarutanga ā-motu, mō ngā ara ka taea e mātou te whakatūhono mai i te Aotearoa e piki haere ana te kanorau mō ngā tūraru, mō ngā wero, mō ngā āheinga whakahaumarutanga ā-motu.

Ka toaitia e mātou te National Security Public Survey ia tau hei whakahōhonu i tō mātou māramatanga ki te mōhio, ki ngā waiaro o te hunga nō Aotearoa ki te whānuitanga o ngā whakatuma me ngā wero mō te whakahaumarutanga ā-motu. Ka puta i te whakahaere tonu i te uiui te āheinga ki te tirotiro, ki te tūhura hoki i ngā ia ā roto i te wā.



Ngā Āpitihanga

Āpitihanga A - Kuputaka

E tika ana ngā tautuhi i te Pēpuere i te tau 2023.

Angahāruki kaikoka - te parahau i te taikaha me te whāinga o te tino whakahuri i te āhua o te kāwanatanga, o te hāhi, o te pāpori rānei. He auau te heipū a tēnei taikaha ki ngā rōpū e kitea ana hei mea whakatuma i te angitu, i te oranga tonutanga rānei o te hunga angahāruki kaikoka, hei mea takahi i tō rātou tirohanga ā-ao rānei.

Kaimahi whakakino - He tangata, he whakahaere rānei e āta whakakino ana.

Kōrero horihori - te mōhiohio he parau, he mea whātītipa rānei, engari kāore i hangaia, i tiria rānei me te takune kia whakakino.

Kōrero whakatuapeka - Te mōhiohio he mea parau, te mōhiohio kua panonitia rānei, ā, ka tiria i runga i te mōhiohio kia whakakino ai, kia whakatutuki rānei i tētahi whāinga whānui ake.

Kotahitanga ā-pāpori - Ina rongo te katoa i te haumaru, i te whai uara, i te rangona atu o tōna reo, ina whai wairua kaha mō te whai wāhi, ina taea ai te whakauru katoa ki te pāpori. Ko te pāpori e kotahi ana ā-pāpori ko tērā kei ngā tāngata, kei ngā rōpū katoa te wairua o te whai wāhi, te whai wāhitanga ā-pāpori, te whakaurunga, te kitenga me te whaimana.

Pūmanawa tonotono utu - He pūmanawa e ārai ana i tā te hunga uru atu ki ā rātou kōnae, ki ā rātou pūnaha rorohiko ki te kore e utua ngā tonotono utu.

Raweke rāwaho - Tētahi mahi nā tētahi whenua rāwaho, nā tāna takawaenga rānei, e takunetia ana kia whakaaweawe, kia kokoti, kia whakararu rānei i ngā pānga ā-motu o tētahi whenua mā ngā mahi whakahewa, tinihangā, whakaweti rānei. Ko te whāinga kia ārai, kia whakararu rānei i ngā aronga noa ki te tūhononga ā-ao, me te whiwhi huanga. Ahakoa he auau ā ngā whenua, ā Aotearoa hoki, mahi ā-ohaoha, ā-whakahangahanga kia whakakaha i ō rātou pānga, ko te whakamahinga o te tinihangā, o te uruhi tērā e whakatū ana i ngā tūraru ki te whakahaumarutanga ā-motu.

Taihara ā-ipurangi - Ngā taihara ka whakamahia mā te whakamahi i ngā pūnaha rorohiko, e anganui ana ki ngā pūnaha rorohiko rānei. Ko ētahi tauira ko te whakaputa i ngā pūmanawa whakakino, ko te whakaekē whakanau ratonga, ko te hītinihangā hoki.

Taihara nahahaha whakawhiti pae whenua - ko te taihara e mahi ana whakawhiti pae whenua ā-motu, ko te taihara rānei ka whakamahia ki tētahi whenua, engari he hononga pakari ūnā ki ētahi atu whenua.

Tikanga ā-ao pūtake-ture - He pūnaha ā-ao o te ‘tākaro tika’, kua hangaia ki ngā ture, ki ngā mātāpono, ki ngā whakahaere e tautoko ai i ngā whenua kia mahi ngātahi, ā, mā reira e āki ai te whanonga rangimārie, ka taea te matapae, he pāhekoheko hoki.

Tūtei - e kōrero ana mō te whānuitanga o ngā mahi huna e whakamahia ana hei kohi mōhiohio, rauemi, āheinga rānei mō te take o te whiwhi i te huanga ake i tētahi hoariri.

Whakaekē ā-ipurangi - te āta whakahāwini i ngā pūnaha mōhiohio kia whakakinohia ai.

Whakahaumarutanga ā-motu - ko te tikanga o tēnei ko te whakahaumaru i a Aotearoa i ngā whakatuma ka whakakino i a mātou.

Whakatuatea - He mahi kei roto nei (engari kāore i te herea ki ēnei) ngā mahi e takea mai ai te hemonga, te whanonga tinana taimaha rānei, ā, e takunetia ana ki te whakaweti i te taupori, te pēhi rānei i te kāwanatanga ki te mahi (kia kaua e mahi rānei) i ētahi mahi.

Āpitihanga B - Ngā Kupu Āpiti

- ¹ Ko ēnei umanga ko Te Tari o te Pirimia me te Komiti Matua rātou ko Manatū Aorere, ko Te Pā Whakamarumaru, ko te Manatū Kaupapa Waonga, ko Te Tira Tiaki, ko Te Mana Ārai o Aotearoa, ko Te Ope Kātua o Aotearoa, ko Ngā Pirihihana o Aotearoa, ko Hīkina Whakatutuki.
- ² Mō ētahi mōhiohio nui ake te taipitopito mō te Pūnaha Whakahaumarutanga ā-Motu o Aotearoa. Tirohia <https://dpmc.govt.nz/our-programmes/national-security-and-intelligence/national-security/new-zealands-national-security>
- ³ E wātea ana te pūrongo uiui ki te pae tukutuku a DPMC <https://dpmc.govt.nz/our-programmes/national-security/national-security-long-term-insights-briefing/2022-ipso-national>. I whakahaeretia tēnei uiui tuihono e IPSOS New Zealand i waenga i te 11 o Pēpuere - 2 Māhe 2022. I inaki te rangahau i te whakaeke a Rūhia ki Ukareina, i te Mahi Porotēhi Pāremata hoki. Tēnā pea i pā ēnei pānga ki ngā urupare a ngā tāngata.
- ⁴ Tatauranga Aotearoa (2021) Ngā matapae taupori mātāwaka ā-motu: 2018(pūtake)-2043. Tirohia <https://www.stats.govt.nz/information-releases/national-ethnic-population-projections-2018base-2043>
- ⁵ Microsoft (Hune 2022). Defending Ukraine: Early Lessons from the Cyber War. Tirohia <https://query.prod.cms.rt.microsoft.com/cms/api/am/binary/RE50KOK>
- ⁶ National Cyber Security Centre, Cyber Threat Report 2022/21. Tirohia <https://www.ncsc.govt.nz/newsroom/ncsc-cyber-threat-report-shows-rise-in-malicious-attacks-on-new-zealand/>
- ⁷ CERT NZ. 2021 Report Summary. Tirohia <https://www.cert.govt.nz/about/quarterly-report/2021-report-summary/>
- ⁸ Transnational Organised Crime in New Zealand: Our Strategy 2020 - 2025. Tirohia <https://www.police.govt.nz/sites/default/files/publications/transnational-organised-crime-in-new-zealand-our-strategy-2020-to-2025.pdf>
- ⁹ Tatauranga Aotearoa (2012). Ngā tamariki me ngā whānau whakaraerae: Ētahi kitenga mai i te New Zealand General Social Survey. Tirohia <https://www.stats.govt.nz/assets/Uploads/Retirement-of-archive-website-project-files/Reports/Vulnerable-children-and-families-Some-findings-from-the-New-Zealand-General-Social-Survey/vulnerable-children-and-families.pdf>
- ¹⁰ Manatū Kaupapa Waonga (2021) Defence Assessment, He Moana Pukepuke E Ekengia E Te Waka, A Rough Sea Can Still be Navigated. Tirohia <https://www.defence.govt.nz/assets/publication/file/Defence-Assessment-2021.pdf>
- ¹¹ Kōmihana Roera ki te whakaeke whakatuatea ki te masjidain ki Ōtautahi i te 15 o Māhe i te tau 2019. Wāhanga 2.3 Kōwae 24, 2. Ngā marohi kia whakapai ake i te mahi ātete-whakatuatea a Aotearoa. Tirohia <https://christchurchattack.royalcommission.nz/the-report/findings-and-recommendations/chapter-2-recommendations-to-improve-new-zealands-counter-terrorism-effort/>